

程





七十二峯足徵集卷四十

武峰吳定璋友篁菟錄

申江張鎬京南編訂

葛彌光

彌光字寔甫震甫從弟業賈而有士行能文而無  
名心嘗遊嘉定與婁唐徐李諸君子交又訪趙凡  
夫於寒山盡和其寒山雜詠二百八首其興致固  
自不群也婁子柔題其像贊曰洞庭葛寔甫往歲  
浮舟東下於友人席上一見語合知其為讀書自



喜人也居常見伯兄震甫以能詩稱于人君亦學為詩當其得意似不肯多讓然予頗疑其貌鬚髯奮張眉睫間常有精悍之色必不徒以漁父老也君嘗客徐州從蕭礪間豪雋遊遂慨然有志當世思自奮于功名為國家干城禦侮之臣而未有當也會其所親有客居予邑者間歲必一來來即數相過從因乞為像贊蓋予嘗自謂生長瀉鹵之鄉每思放浪于湖山而君更去其浩渺之觀汨汨焉若不能少自逸者此若不可曉然其寔一也譬夫

抱幽憂之疾則企羨遊仙甘麴蘖之味則不堪枯寂其于內不足而不能無羨乎外等耳曷足怪焉贊曰子之家山水竒絕殆與世隔子之生平以詩人自命豈與庸庸者而為役顧乃舍舟楫於江南而走風塵于淮北蓋吾觀子之貌而得子之心寧有多髭而赤頰警然若有所自喜而肯以自暇逸為適者乎徐汝廉序其詩畧曰山人氣冲而貌朴與之言若不解者見貴人則攢眉而去幾不知有人間揖讓之節寒暄之態以其心靜觀默識凡天



地萬物往古來今一觸于其喜怒哀樂之性而寄之於詩故其詩清而婉華而不艷逸而節山人能不為勢利故性情出焉山人咏其性情故人之性情動焉其為諸名家稱許如此今人知有震甫而不知有寔甫故特表而出之

石城曲

佳人麗且閑盈盈二八餘無勞問名姓家在石城衢新聲妙一世自小工笙竽頭戴玳瑁簪腰佩明月珠翩翩出畫堂夫婿故自殊豈若蕩子婦采桑

城南隅

山中懷徐汝庶

月明不成寐中庭散幽躅池暖春水生清影帶花竹雲氣滿石床松風壓我屋何時話山椒相對鬢眉綠

春日喜憨山大師嚴道澈太守見尋

幽岩新雨霽風吹茶烟白時作無生想每為泉石役肩輿與錫杖忽枉山中宅然燈照清冷雲光散空碧殘磬聲寂然松際月淪魄



溪上夜泊

雨後孤舟夜泉散  
流汨汨雁向沙上飛  
鷗隨浪花沒  
依依遙相望  
隔岸寺中歇  
林際浮濕光  
石上已生月

春日幽居

一片蘼蕪春水綠  
山風吹我松下屋  
流鶯啼過小園東  
烟逕無人走麋鹿  
青山寂寂花冥冥  
杖藜獨往青溪曲

瓜洲城南遲吳凝父不至

春潮渺渺楊柳灣  
春風拂拂棹歌還  
樓頭先見海門日  
城外盡是江南山  
遠鐘忽送水西寺  
鳥啼一散花滿樹  
美人有約來何遲  
蘼蕪目斷揚州路

采香涇

吳王好色越女來  
采香競進宮門開  
美人去後采香歇  
惟有此水流不竭  
花落花開春滿枝  
看花終不是西施

月夜同震甫九兄湖上看梅因過永福寺

春來湖上今宵始  
梅花千樹半臨水  
山月初生僧



未眠殘燈一點梅花裡枝頭如雪雪生香日日携  
尊醉樹傍莫待春殘花落盡滿林風雨坐僧房

元日劉明仲總戎招飲衙齋同賦

玉帳調金鼓亭臺喜氣開當軒清景愜命席管弦  
來初日生高柳晴香動早梅詩從橫槊賦一一見  
新裁

侯豫瞻兄弟見過

過我不辭遠知君意最專過橋船到岸入市柳生  
烟虛室晴香冷空庭樹影圓向予兼愛敬相視並

依然

答郭二見寄

別後杳無信近知還寺居水烟開碧瓦齋供摘青  
蔬燈在雲生處鐘殘月上初松關相憶坐重展寄  
來書

答婁子柔見贈

無事閉門久書來知是卿水烟空旅爨簷雨動吟  
殺暝色向窓冷秋光着樹清石公山下路瓢笠待  
君行



湖中夜歸

幽尋出柳外隨岸轉藤蘿浪裡逐漁火月西來棹  
歌水清烟練薄村白野花多隔浦人初靜峯陰帆  
自過

唐叔達園中

為園在城郭宛似郊原間潮水過門落晴雲到海  
還草生空腹樹萍聚流灣攢石多清陰籬疎花  
氣閒

城南訪范穆其

未識幽居處幾回尋見君門前掛疎柳簷際宿孤  
雲村酒賒能慣天寒坐易曛新詩聊自咏何處不  
相聞

懷聖僕

雨歇林光動思君正醜然多從寺裡住幾過客中  
年高詠夕陽樹獨游寒色天洞庭山下月曾送渡  
湖船

同王顯之益之寇尊生馬叔章游雲龍山因  
懷張克正



簷敞林逾寂  
河光近寺門  
遠風吹竹杖  
斜日下籬根  
石壁生霞氣  
溪光帶雨痕  
有懷應咫尺  
不共此開樽

同縱伯玉過古蕭國天師真山下民曹  
故國已無城池荒積草平當時百戰地今日幾人  
耕村樹疎林白山風薄暮清蕭蕭黃葉寺殘磬一  
穀聲

同黃伯傳登靈巖山  
花竹攢孤塔藤蘿覆廢城  
洞雲歸復出湖月隱還

明石屋香烟冷  
琴臺松韻清  
瓦燈照閒坐  
空翠寺前生

華山訪一雨法師同趙靈均

來從亂峰裡  
葉影雨初收  
雲向崩崖起  
螢依古塚流  
靜聽松若語  
高視石如樓  
講罷師方出  
依依話昔遊

懷鄭開孟

晴絲風暖日悠悠  
桃李參差小徑幽  
孤館寂寥生  
午夢尺書迢遞隔  
春愁雲開山色窻  
前滿雨歇泉



穀枕上流歲歲韶光暗拋擲芳菲時節不同遊

送九兄之金陵兼寄郭聖僕聖胎聖真

濕雲初散曉風輕綠酒紅亭送遠行句曲東來山  
似障長江南去石為城五更客夢池邊草一片春  
穀馬上鶯別後莫愁知己少郭家兄弟最多情

答吳昌侯明府見招

雨歇東林返照初閒行一逕到幽居留賓尚拂萊  
蕪甑徙宅惟擔鄴架書隔院松穀秋自遠傍簷花  
影晚來踈凭欄幾處炊烟起半是樵蘇半是漁

送九兄北上

三十年來不出林時時山水伴幽尋遠遊豈樂為  
官好捧檄惟惟老母心以此圖書付兒輩暫將耳  
目別高深北方氣候江南異莫向秋風獨自吟

夏夜吳康侯邀泛秦淮分得舟字

不獨今宵可共遊偶因清暇念淮流殘陽漸去方  
知水羨蔭非多却在舟風露半更天盡月樓臺三  
伏氣為秋一涼以外全無待朋侶溪山得自由

九日携姪昭夏登雨花臺



節物登高雨未成出門聊復愛其名客邊難見重  
陽好郭外剛傳此日晴子姪漸親知老至江山無  
故覺情生悲秋欲問秋何處絲肉叢中鴈一聲

月下觀妓

明月初臨玉樹枝相輝相映亦相宜行雲宛逐峰  
前度長袖疑從鏡裡垂頰顧影來應自愛暗流波  
處有誰知去時莫訂刀環約好記彎彎學畫眉

和趙凡夫寒山雜詠

青霞榭

松風吹石林桐花落簷際坐久轉生寒林中雨初

霽

小隱岡

遠風吟高岡空林松子落出入幽林中惟有一孤

鶴

抱甕陂

種菘南山中抱甕汲朝夕昨夜春水生菰蘆沒一

尺

山中瑤席



山中一片石平如地上雲夜深明月上松影掃苔  
文

千仞岡  
高躅千仞岡烟花亂山塢落日照幽花踈林濕殘  
雨

拂秋霞  
獨步上松嶺秋風吹布袍兩袖拂落霞月出霜天  
高

須雲閣

高閣起空中雲去杳無迹倚檻不移時捲簾雲欲  
入

飛狐腿

林中秋正深林外雲陰薄涼月照高岡峽中泉夜  
落

支公石室

當時栖隱處四壁石谿訝更有何人在鳥啼空落  
花

山店



置屋山之阿汲泉花裡釀惟有樵人沽青帘掛松  
上

當却松徑爽四望不餘裕更有何人弄鳥語空  
徑轉長松下空濛翠欲飛山僧來掛笠獨荷夕陽  
歸

林中千尋磴林衣雲錦蕚京民照高岡地中  
山行不可盡一上一一回顧歸來蒼翠濃已濕樵人  
路

高閣蓮花嶼雲去杳無迹斷不待却對蒼雲松

野水時平岸芰荷一逕風隔林罷清磬閒坐柳陰  
風

藏蛟峽

幽壑何窈窕中有蛟龍蟠白日山下暝忽生風雨  
寒

碧琳泉

石罅靈泉出清清只在山惟堪供酌客不載出人

間

題胡彭舉畫古木翳森一草亭飛水懸巖山



參差雲外數峰青古木陰森一草亭流水繞籬山  
犬吠隔花搖過打魚船

寄趙凡夫  
石林寂歷樹離離光響森沉冷氣吹折得梅花下  
山去滿船風雪渡湖時

湖中暮歸  
野岸灣灣樹樹花遠光作冷亂棲鴉片帆半掛斜  
陽外一路看花直到家

葛御夏

御夏字無斃震甫長子有自求草一卷

肅矣二章

感秋風也

肅矣萬籟忽焉若噓伊神之居今將游乎太虛  
肅矣萬籟胡然若吼我居我廬萬里父母  
遊雲穴山訪半岩洪道士

采采南澗杞忽見松烟起始知懸瀑西乃有眠雲  
侶岩半響幽壑霞氣滿流水潭影空魚鳥洞口盛  
桃李日月自終古閉門證無始再扣忘年術願授  
玄妙理笑指潭中水淨澈無塵滓歸來仰石壁三



嘆對樵子  
鳥夜啼

麥秀漸漸兮城烏反哺時  
庭前有巢在高樹  
卵翼已成飛  
遶枝游子未歸  
念桑梓烏夜啼兮遊子悲

讀海眼詩

萬古清不測盈虛非所程  
願挽七襄絲一汲空青  
鑿為洗膏肓聾與瞽日浴咸池眼底明

積雲行

雪娘送臘迷春路  
玉女臨春散花霧  
花霧繽紛滿

玉樓樓頭長晝無昏暮  
仙翁樓上晏群仙  
花饌盈盈列素筵  
雙鬟舞半轉相盼  
剪水裁雲總成練

雙忠祠看紅葉

俗因佳節貪舖歡  
艷棄丹林淡棄雪  
誰為來對真邱壑  
整冠一拜雙忠碣  
登眺還傷一寸心  
懷古情深肝胆結  
孤松樸樾老人容  
月昏人靜聞鷓鴣  
霜下啼殘滿樹紅  
斑斑疑染孤臣血  
正色凌秋表歲寒  
紫朱自昔分優劣  
夕陽影裡話前朝  
酹酒臨風一嗚咽  
放歌欲挽長江水  
惟恐江流怒迴滌



飲曲水亭

林淡思無端，虛檐生晝寒。蕭疎霜籜淨，樸樛古楓丹。  
文飲情彌洽，玄談夜欲闌。西隣增菊圃，攜燭過溪看。

立春後六日曙戒堂感賦

曰歸曾未暮，愁侵林鳥喧。然換舊音天，意悠悠真莫問。  
物華冉冉欲霑襟，蹉跎徐孺躬。畊意狼籍山公老，世心三畝尚存。  
蘿薜徑十年重話，竹簷深行止勞勞。邁楚吟無聊，清寐聽春禽感非江客同。

遲暮涕有懷，沙異古今俗。忤敢嫌多束，縛才難莫謂。久埋沉虛懷，渺渺故巢夢。又見東風吹舊林。

攬勝石看梅

盪槩蘆峰雪，巘登東風軟。處漾層冰鮫人入，谷珠林綴龍友棲。  
巖寶霧升竹浪半空翻，玉島松篁一帶奏。霜棚茲遊不負當年約，潑酒何妨直若澗。

聽美人彈琴

辨出鴛絃與鳳絲，雙鸞為曲燕鶯辭。幽蘭粲發春風繞，弱筍新抽夜月遲。  
神女歡娛疇得意，楚妃長



嘆孰微思離鴻別鶴聞殺感莫聽求凰載弄時  
秦淮夜聽子規

羈旅閒窓明月西故園夢繞綠烟迷人情多道江  
南好何必殺聲子夜啼

林葛昭夏

昭夏字亮生震甫叔子邑諸生有冬情草行世自  
為敘

荆卿

丈夫感知遇所償非杯酒肝胆擲他人七尺鬼神

有荆卿氣何隆把圖閔中走曹沫事不成一死寒  
星斗或云君術疎所未善七首豈知當年意生劫  
一言剖謀慮求萬全自然多掣肘深心擊筑人憤  
發曾不苟高歌秦王庭慷慨殉其友始信義烈士  
天地不敢厚國亡亦自亡六王難獨久人言卿滅  
燕君子則曰否

西庵

西菴十畝竹冷盡城南隅秋殺抱夜屋風雨鳴菰  
蘆中有讀書人歲月心眼殊隕籜起微悟搖影生



獨娛最愛萬竿中一折一巖阿到門經數轉清磬  
出林紆自令塵囂屏人遐夢亦孤何況團蕉上與  
僧事事無

贈季銓即送還山因致有大

君與葉子好因及其心知葉子予所懷對君如見  
之交道信有神新故安足疑穀氣索莫內兩人披  
肝時君來游京華所期或在斯句生名山色示我  
南郊詩桃葉獨無咏意豈輕蛾眉即此小異人想  
見君所為江城盛兵氣動君太湖思余亦理歸楫

心已先東馳幸語君好友虎山當見遲

下天闕山坐白雲梯還望兜率巖諸峰頂

不盡秋山懷言歸獨悵罔齒齒下山路殘日烟蒼  
莽險過心魂驚乍平亦易賞已失衆峰尊俯瞰猶  
雲上乃知所歷高無能礙天廣載拜禮大樹肅穆  
英靈仰巉巖出其巔互列亘空壤峰峰鬣翠墮有  
若群奔往少望意以欣久乃成颯爽不異上山時  
危情抱深想入暝一僧歸靈風答孤響微微遠天  
去澹絕人三兩



白門晤山補出示贈予詩感賦答贈

空山欲笑梅花開雪來映之雨不猜古道照人有  
 朱子淡極微聞真氣來秋齋肅肅秋聲起與君相  
 遇在其裡君時方切故人悲爾悲我悲同一旨山補  
 為蔡以寧刻詩稿以寧死  
 予同往哭之是日始定交

白下涼秋欣再覩靜燈  
 炯炯枯禪室立談恣論巖壑竒唯恐幽靈眼中失  
 山水如君多冷情勝處每從寂莫生而以一片孤  
 嚴意選勝兼之及友殺鍾淮之間誰與伍鍾淮之  
 人自千古東山經濟半山文莫愁桃葉猶堪數君

之所遇或在斯目前無侶豈須疑竒文不第復東  
 去高懷且挽江流住夙昔成詩今贈余夜夜羈人  
 共枕書

爐火

微火不易熄通彼金石情所矜温是性不狗烈為  
 名灰有能燃想冰當共處爭藝香方夜久消息一  
 烟生

江泊

水勢蒼然歛群如到岸為徒成江路濶賴使客心



遲月照魚龍靜舟連天漢移波瀾竟不起予亦澹  
無思

莫愁湖上晨雨

曦光明滅際湖水益幽濛新潤蘆疎覺微涼閣敞  
通洲齊平野綠花泣墜灘紅無限蕭閒思泠然來  
此中

枝昌舜五訪予媚獨居小酌賦詩

蟲殼鳥殼亂竹柏自清疎好友能來共良辰此不  
虛慨當以慷日晝亦似宵餘何似柴門掩涼風靜

展書

秋夜念大文讀書蕭寺

此夜懷君託咏吟知君思共窈然深燈將與月分  
人影露亦如霜肅草心當有詩篇酬寂寞幾翻名  
理快研尋空庭無語徘徊久想見秋林立暮陰

葛行夏

行夏字賓嶠震甫猶子吟詩作字皆能仰承家學  
戛戛自異惜早世存稿寥寥

謁陸魯望先生祠



甫里渡江來浮烟閉清曉唐賢有高躅亭際踏秋  
草僻近佛氏樓鳴蟬集林杪涼風左右至鴨水開  
清照寂寂半閒房悠悠見古貌當隱亂離日薄田  
恒苦潦息意謝徵書閒情對茶竈誰為後來者拂  
衣自垂釣空臥無語稱爾久默良林立暮舍  
人送舍弟幼洪往淮上迎新婦

帶甲滿吳關舟人畏消息長淮雖有期理棹不得  
出天寒循舊途念別已多日千里先水程清江落  
楓急蕭蕭荒崗騎筋力亦須惜到彼轉家室歸來

就新鷓洪河下廣陵揚子達震澤郗公雅好詩兼  
可記朝夕歲閏梅先春思迴望疎白無聊還自持  
聽雁清宵立

行野嘆

滄海碧雲歸哀鴻望平陸東鄉畊力盡但種花與  
菽半賈盡售之安望春酒綠催租吏何來怒呼無  
停躅溪上棹華船路旁指美服誰知寒女歎空對

杼與軸

春日過虎邱



高塔浮舟外喧禽宿霧間好花齊映戶列寺恰藏  
山懶步乘閒適幽期得再攀從遊偏妬雨蕭颯怨  
紅顏  
重訪佛慧庵  
花穠禪路隔渡雨喚輕舟山斷臨津綠人行改岸  
幽殘僧何處去片偈昔年留空負松筠約淒然望  
古樓

寄淨圓上人兼呈金岐雲  
荒居聽梵後客夢一峯前未敢疎鄉閭知師尚醉

禪草陰隨杖細山紫向樓懸此際看幽桂何人就  
月眠

登虎峰

群峰低一望鳥道出叢蘿拂黛遙山勝浮烟近野  
多微茫看未極縹緲去如何村落饒芳樹春畦間  
綠波鷗輕隨日漾虎渡覺風和陟勝人宜息乘幽  
步屢過不知重嶺下已起晚漁歌

奉酬卽自周師兼懷園居讀書處

滄洲曾嘆花枝少金谷長牋勞遠情自失論文疎



硯席蹉跎今日愧先生青峰定益莓苔色碧檻猶  
思橘柚榮明歲烟波發歸棹絳幃應許一經橫

青村城望海

橫塘衰草極吳邊城影扶桑隔萬天  
坼候久傳臨汛日征旗曾閃盛  
明年龍藏古水霾雲白島沒寒  
峰朔氣懸處處金笳連粉堞乘槎  
縹緲羨飛仙

客窓對梅

青山夢斷月明村一樹垂垂罩古根  
折去便思江外信興來且倒客中樽  
香携短袖憐清氣紅入春

燈帶笑痕爛熳正宜深夜賞莫教吹笛怨黃昏

葛承章

承章字斐仲震甫猶子

黃河舟中

泛泛一舟輕危檣信所征綠楊依岸立白鳥亂沙  
明星宿源頭遠風雷水面生橫流何浩浩何日見  
澄清

竹

簣簞千頃碧搖寒瑟瑟苔階分數竿長半出人聲



敲月亭亭高節動琅玕

葛畊

畊字耘襄號介庵震甫之孫著就正草一卷

偶有感

今世已非古古人遠異今欲為今不可作古無知音我心自如水莫問今人心

鏡中美人

一展清光幻體陳玉容相對暗凝神曉粧細整羞花貌未夜先邀待月人顧盼生情驚宛肖綢繆故

我識誰真張郎有筆難描黛幾許相思化一身

蕉扇

裁葉成團扇驅煩代化工情疎緣熟後不敢怨秋風

葛之耆

之耆字漢皓號商山實嶠猶子

戲咏蠶蛾

破塚還魂轉飛飛羽翼成今朝欣解脫當日悔纏縈伉儷三生重兒孫一紙輕黛眉翻勝昔馬草舊



多情



七十二峰足徵集卷四十一

武峰吳定璋友篁菟錄

翠峰席紹董士奇編訂

許之漸

之漸字儀吉號青嶼鼎臣長子登順治乙未進士  
 初授戶曹旋擢御史遇事敢言彈劾不避權貴巡  
 按陝西茶馬悉心簡閱除一切陋規釐奸剔弊與  
 當道者抵牾遂落職居林下者數十年年近九十  
 兒孫五代兩舉鄉飲大賓所謂三達尊者兼有之



矣

過嚴陵

歷歷富春山黃鸝為我語崇臺峙中流欲登暫延  
佇帝子玄纁來大隱不復處澤中披裘翁投綸向  
何所

送巢魚山同年南歸

飛雨滌川陸晨風散暄氛之子行去國搔首東南  
雲守道勵素絲撫仕何足云庶無愧夙夜身去將  
馬文行吟脫塵鞅葆靜子所欣矧此陂澤幽萼苻

揚清芬黃鶴盤遠勢所思寄榆枌徘徊蹊路間豈  
獨憚離群

維亭晚泊

柔櫓衝烟暝湖光度浦橋夕春依近岼漁火點初  
潮楓冷聞吳詠蘭薰續楚招數般秋雁過歸夢水  
天遙

送龔天岳歸東臯

當代論知己文章有鉅公依人殺勢外作客嘯歌  
中岼憤秦關月披襟魯國風天涯燃桂盡飄泊浣



花翁勸秦關且妹禁曾國風天  
 水驛乘新漲江干問釣磯過家非失路投老足忘  
 機鳥語催歸棹山光上客衣帝城千萬樹楊柳更  
 依依

霜軺述懷

存一

數載留微祿相看入髻絲青山負同學黃卷任諸  
 兒憂國懷冰夕思家落日時壯心行已折無改舊  
 鬚眉

秋夕聽雨

雨聲連日夜萬戶水雲深颯颯生枯絮沉沉正積  
 陰穉兒閒問字癡女漫拈鍼對此忘羈旅天涯慰  
 好音

仰屋敢辭漏波生在陸舟羈懷千慮盡殘夢一燈  
 留局促傷籠鳥蒼茫寄遠鷗蕭然風雨夕吾意動  
 高秋

謁顧文康祠步文文肅題壁韵

白露秋殘木葉時石屏雲鎖相君祠畫檐不改蒼  
 山色莓瓦猶令燕雀知相傳祠宇不栖燕雀臚唱年年人接



武翰音寂寂事忝差摩娑題咏看前輩又折春風  
最上枝

陳龍川先生墓

麥秀荒畦雉子飛千灘新漲覆沙磯招魂欲賦空  
流水埋骨猶思挽落暉宰相肯容英傑老門生休  
諱姓名微龍沈夜壑鳴孤劍一曲錢塘事已非

發漢中行數十里大雨遂憇長林鎮之萬福

寺

郊原膏洗潤行旌漢水盈盈入望平雲暗千山封

棧閣雨隨小隊向褒城荒村氓聚迎驄馬古寺僧  
貧足菜羹莫笑綉衣甘寂寞度人初地學無生  
對姑莊浪彈丸寒磧番族最貧而能先事輸誠宣  
慰既畢以示將吏

輶傳星騎畫塵紅榆落鵬飛破朔風首路霜清蒲  
海靜諸羗草偃酒泉通胡沙十里生秋菴宛馬千  
群入漢宮自是皇仁敷澤遠敢云持斧遂稱雄

東平道中所見

百里空村見野蒿寒山雲白鳥飛高艸衰古道連



荒漠峰接長陰捲逝濤兵後十年猶白骨逃餘三  
戶尚吹毛只今海國氛烟息南北無煩羽騎勞

七夕泊津門風雨不歇

別浦遙傳月殿秋白榆風起思悠悠河分雙闕隨

年度星落孤槎任自流帝縷已升香霧靄聞是日天家行

禮納采天機欲罷彩虹浮開蓬未忍看牛斗夜雨空

懷故國樓

許之博

之溥字觀生號庶庵之漸胞弟縣諸生恃才曠放

與吳門金聖歎稱同調金嘗贈句云庶庵死日原

無病聖歎生來只有貧後遊華山登絕頂奇峰舉

首遐觀鼓掌大笑失足墮崖而卒金詩死日原無

病者殆其識歟有賦閒樓詩集

山夜憂三首

新愁簇蝶裙舊恨齊紈扇含笑夢中來隨風作花

片歷亂艸蛩鳴的皪流光見一感白頭心使我青

春賤

現皖谷中鶯翩躚梁底燕巢空故枝折花下還相



見嬌小春風裏不識春風面步艷石榴裙鬟輕碧  
雲鈿分明明鏡中新愁成婉戀青陰小月寒開簾  
見青盼盈盈玉階上細草生人羨當時正可憐豈  
謂經霜霰  
出門如始歸寂寞山行遍不辭草露多細泉隨步  
轉南風吹片雲頃刻峰頭變物情難久居觸事空  
悲戀

雜怨

寶鏡拂秋水蕩漾青蛾眉虫絲自閒曳小葉風來

吹坐令衣帶緩徒然羅幃垂柰何眼意間宛轉貽  
我悲碧草還舊色青蟬亂遙思空閨誰復見敢望  
君子知

楊柳未垂時自云本孤直昨夜蝴蝶來乃見春風  
仄與君初燕婉談笑入胸臆見妾百種心謂妾好  
顏色明鏡無常榮芳蘭有時息使我白日光夜夜  
烏啼黑烏啼復天曙宛轉楊花聚開門南北望關  
門淚如雨  
誰人當古道栽柳受斜陽車馬去不盡令人日斷



賜君行日已遠幽暗生空房空房四隅艸螢火互  
低昂微物感時運各自呈輝光孤衾清光滿關河  
歸夢長盛年廢巧笑疇能免悲傷  
高樓半入雲棟牖含空清平原青不了畦隴縱橫  
成風吹羅裳起笑語落天赦行人夕照裡間此生  
離情飢馬鞭不進顧艸徘徊鳴鄉里日蕭索隨人  
成重輕塵土滿鬢髮旅宿魂夢驚歲月寄飛電何  
時致公卿  
含情如霧中濛濛無定止欲寄一寸心鯉魚風未

起韓憑夜夜鳴孤怨結空水同心感真氣所貴非  
宮徵商音裂金石楚奏不悅耳中夜歌嘯興尋繹  
念之子顧瞻河漢明側有浮雲駛掩蔽牛女光何  
由達深旨

手中持素絲相看長嘆息欲成雲綺艸染作青黃  
色上有連理枝下有雙飛翼裁成合歡袖含嬌舞  
君側文章何陸離真白無由得涇水何溷溷渭水  
何湜湜秋風心正孤懼君不察識

幽蘭在空谷芳香何馥醇未及克君佩寒風夜中



發蟪蛄思正斷蟋蟀悲不歇美人抱遙怨孤心吐  
秋月對面猶難知况復隔楚越恐君魂夢踈不敢  
生白髮秋天空不盡精誠當易竭沉吟抱襟帶此  
生何倉猝不及翩翩燕雙飛向金闕

偶感

何事感人深劉桐成古琴木中本無響指上非有  
音何以山水奏遂傳君子心陰陽易感化遇物成  
差參義農去我久情意自然沉舉世無由問清淚  
盈衣襟

月夜

寒氣約耳目艸木來空新寥寥庭宇中霜露肅我  
神夜深影響盡月正天青真空烟化為水淡蕩如  
江濱每思萬竹下水石清粼粼薇蕨成性情明月  
為終身斯懷既靡遂多病離亂辰良友各高蹈棄  
我如微塵豈無衆年少特以謔浪親使我終日內  
遇靜如歸人閉門勿復道念之徒苦辛

古意

繡枕結青絲雙綠並蒂枝焚香自拂拭本為君來



時嬌愛秋風隔相思坐成昔夜夜夢魂中淚痕尋  
舊迹願郎回馬頭一問山頭石

秋風感

空山氣肅秋風早風捲山花滿樵道山裡衡門披  
褐人每向山花惜懷抱少年汲汲修空名日暮看  
書嘆衰老清溪流何粼粼水底白石何皓皓流  
水白石既如此人生立身有同好子虛賦就貴同  
時丞相門前君莫掃一悟陰符不復言日日開扉  
對青州

吐花詞

吐花劉氏歌姬也劉氏歌舞照耀耳目世變  
滄桑旋致寂寞時人感之命子作吐花詞

玉欄春老紅芳失海紗影薄東風疾歛眉斜倚碧  
窓人霧鬢花顏年十七沉香迴步錫明珠玉燕飛  
光對寒日態盡羅衣金鳳老雲和彈作燕支艸蜀  
山雲去月荒涼魂接輕烟墮清曉

秋來

山中異風日爽氣動衣襟子落空天夜花開斷壁  
陰暮雲遊子病初月夜虫心寂寂絃歌戶朝來青  
草侵



春閨怨

小雨易成夕懷人已至今密言知在眼細艸鮮生  
心碧樹當樓淺青燈向淚深回頭看枕簟不忍使  
君臨

晤張月初

亂泥高擁沒霜蹄君去長安我至齊千里共聞冰  
雪句一時同悵暮雲低稚兒多慧能留客素壁無  
才不敢題浩蕩乾坤相見日萬花深處聽黃鸝

半塘竹枝詞

野鴨高飛家鴨眠相看厭兩欣然鴛鴦經過原  
無事一夜相思淚滿川

許之澍

之澍字志淇侍御從弟

茅屋

狂夫築茅屋門對石橋北傍水侶魚蝦近山友麋  
鹿衣冠與衆同詩酒豈吾獨四壁誠蕭然真堪隱

濤宿

蘆花



僻處秋湖上  
皤然致不同  
長宵栖夜月  
落日下征鴻  
受盡風霜苦  
添來蒼老容  
白頭時自點  
想已悟窮通

許維挺 皇門侍御 志行高潔 水出魚躍 立山文獻

維挺字松年 號點山 侍御青嶼 長子康熙己酉舉人 司鐸揚州者數年 陞北直武強縣令 不耐煩劇 解組歸里 時胞弟維楫亦自楚罷任 兄弟雍愉 彩服趨庭 父子之間 日以唱和為樂 不知老之將至也 侍御年至八十八歲而歿 時維挺年亦六十八

歲涕泣若孺子 視含殮悲痛不勝 甫三日亦卒 人以爲真孝子也

常山曉發遇雨

驅馬出郭門 微雨來天際 俄頃濕雲屯 淋漓滿征袂  
古道遠斥埃 進退兩迢遞 僮僕咸嘆嗟 致遠或恐泥  
予遭行路難 喜雨無怨懣 憶昨登城樓 郊野苦久霽  
田禾色欲焦 望雲無點翳 天心本至仁 忍使群黎斃  
一雨蘇其困 崇朝施大惠 跋履雖艱辛 畎畝消稂戾  
旱魃不為灾 有秋可卜歲 征伐正四



出籌餉奉新制庶幾嘉穀登公私均獲濟念此忘  
客憂行行敢云蹶

旅中立秋

客裡少相識獨坐臨空堦  
踈雨忽有聲高樹涼風  
吹去年憶此日讀書梁溪湄  
當軒映清詔文思生  
漣漪往來悉知己談笑約相披  
去家百餘里撫景  
猶淒其今胡遠行役漂泊天之涯  
堂上白髮親望  
遠顰雙眉有兒雖幼穉亦解問歸期  
自憐岐路客  
節序忽復移感時聽哀雁沾臆空淚垂

春江花月歌

春漲潮生江水平江邊春樹百花生  
百花生百灼灼波  
間影却值春江月正明月映江流  
遶花甸月籠花色如飛霰好花忽向  
客中看空江皓月人愁見天  
清雲淨絕纖塵皎皎當頭掛一輪  
何年不照長江水此夜偏疑照遠人  
人生睽合無窮已月盈月缺  
恒相似遙想月光穿綉戶遙憐花影  
高樓裡高樓明月獨徘徊恰對深閨  
粧鏡臺幾度捲簾遮不住  
數回垂幕又重来此時音信杳難聞  
願逐清輝直



向君生憎雁斷雲中字不見魚浮水面文斜月西  
沉起烟霧目斷鄉關不知路朝朝江上送離人夜  
夜離情滿江樹

奉和家大人自笑自懺詩原韵二十首 存三

紛紛塵紕內骨鯁自嫌殊任世呼為馬臨風憶是  
鱸甲兵終日動耕鑿幾人蘓感憤東山側清流想  
顧厨

忝廁賢書日含沙有細人親寃終去國客舍幸全

身宴悵虛鳴鹿 出闈後即返津門旅舍未與鹿鳴嘉宴 衣憐似結鶉

遥思閩海路

時家大人客游閩中 悲喜一孤臣

白髮愁多病頻年藥畧難鍵關當晝永覓句入更

闌執手誰還熱論心我欲寒親闈千里外那得報

平安

新樂郵亭見家大人庚子西巡題壁云井陘

入晉是為先大中丞百戰地有懷往烈情見

乎詞敬和二章以誌今昔之感

皇華綉斧使西偏萬里風清息燧烟驛館舊題悲

往代鄉關遥隔畏兵連短衣浪跡南天外長劍空



依北斗邊逐隊車輪驅歲晚不堪回首憶當年  
百戰功高祖德偏建牙三晉值風烟經過壁壘心  
還壯吟咏詩篇淚欲連廊廟即今思借箸艸茅何  
策可安邊承先自是男兒志碌碌塵埃惜歲年

超然書院謁楊忠愍公像

嶽麓秋生舊講堂孤臣遺像肅冠裳龍門豈遜投  
荒日馬市仍飛諫艸霜積石怒流還浩浩摩雲竦  
立自蒼蒼當年碧血藏千古淚洒西風怨夕陽

別朱宛湘

俠骨朱家見后昆一編環堵氣猶存掉頭不樂三  
公伍長揖輕從七貴言彈鋏有誰尊上客買絲向  
處繡平原也知別路無多遠尊酒燈前且共論

許維楫

維楫字傳舟號胥山侍御青嶼之子康熙丙午舉  
人侍御遭徽人楊光先以西洋湯若望一案羅織  
幾陷不測維楫奮不顧身日呼籲於大人之門侍  
御以此獲免其秉鐸新安也迎養侍御於學舍父  
子祖孫同遊黃山作記以誌其遇旋陞湖廣鍾祥



縣知縣待士民如家人父子時夏逆作亂群情洶  
洶維楫諭以大義咸帖然願為死守城幸瓦全去  
任之日百姓遮道攀轅有涕泣者著有嘉成堂詩  
鈔蘭陔艸行世

過蘆海橋

君不見蘆溝橋上石獅子冷面看人類相似又不  
見蘆海橋下桑乾水濁流動地波瀾起千人萬人  
日夕過多少英雄困於此憶昔少年負劍遊壯懷  
題柱意未休臯夔稷契謬身許功名直欲垂千秋

詎知五上長安道一過蘆海一回老只今短褐歸  
蓬蒿首宿寒羶事州州請君聽我蘆海吟富貴應  
須致身早

河間旅店盆中晚菊用少陵歎庭前甘菊花

韻

黃菊爭開九月節對酒重陽人共摘過時花發等  
閒看爛漫庭前後何益主人愛菊晚正芳伴我寥  
寂同茅堂棄捐遲暮雖已矣幾度念爾凌風霜

九日登學舍後山



傍屋開蔬圃綠牆補竹籬居然高士宅宛在暮秋  
時三載卑栖慣千峰遠眺宜不須羞落帽散髮每  
低垂

江上

浪急船頭打風高雁影橫萍踪三楚地歸思六龍  
城樓自悲王粲金誰贈馬卿無官身尚累祇是一  
囊輕

胡受益招同諸公泛舟秦淮即席分韻

秦淮秋水浸樓臺放棹中流共引杯疎柳拂簾人

語細遠山橫郭峴容開六朝事共蒐遺蹟百里星  
看接上台我自天都深處至好憑風月賭詩才

阻風漢川道中

吹斷江邊老樹根石尤狂吼晝昏昏驚濤圯岸迷  
湘瑟冷雨孤篷弔楚魂天日總緣雲重掩網羅無  
礙鷺高翻妻孥歸棹休嫌滯已得抽簪望里門

山莊課村僮種植

紅橘黃橙羨洞庭家家種植有遺經常思遶屋誅  
茅盡萬綠陰中結小亭



舍旁隙地薤蓬蒿界畫分明付汝曹樹木十年猶  
未晚良材會看綠陰高  
許麟燿  
麟燿字祥趾侍御長孫松年之子居重慶下而又  
有含飴弄孫之樂極家庭之盛事焉為縣諸生食  
餼有年不獲一第意澹然也

過汪氏園亭

相賞林泉意留人落照遲石塘開古鑑竹籟譜清  
絲花老蜂還過雲歸鳥不知籬邊殊寂寂無限暮

秋思

白沙秋月次揚州刺史施文仙韻

皓魄無纖翳長江淡素秋群峰支碧漢一柱砥中  
流乍脫山公帽還登庾亮樓風雲渾未卜常喜月  
當頭

登千佛閣

高閣巍峩入太清臨風搔首不勝情上方有相皆  
清淨初地無塵自晚晴檻外橫江烟艇亂窓前疊  
嶂野雲生布金人遠祇園在依舊簷蘿紫翠縈



許璿耀

璿耀字在衡別號秋菘居士維楫長子幼有夙慧  
不茹暈捺觚時即落筆成章有老成風格應童子  
試名在第一而困頓場屋者四十餘年窮經之暇  
究心竺典雖生簪纓之家居重慶之下而穀色貨  
利一無所好終身蔬布若老禪和識者謂有宿根

焉

題荷花贈李石湖

李君諱蓮湖廣鍾祥縣孝廉為先君門下士

紅衣映芳塘翠蓋還相倚下有白鷺立羽毛亦鮮

美荷香遠益清愛自瀟溪始欲採君子花持以贈  
君子

題秋山話別圖

蓬軒颯颯涼颼起紫花碧葉秋光裡呼童放鶴破  
寂寥有客携圖忽至止開圖烟樹莽蒼蒼曲磴平  
沙道路長臨岐握手者誰子為送王生向太行太  
行峇堯千仞碧三晉雲山盡支脈斜陽驢背憶敲  
詩我亦當年舊遊客君今策道渡桑乾豫讓橋邊  
水未寒相依得有佳公子不須彈鋏同馮驩珠履



三千脫穎出文采風流君第一河陽縣中潘令花  
紅蓮幕裡江郎筆賢主嘉賓互唱酬到時九月菊  
花秋盈盈白墮香騰座燁燁紅萸笑插頭羨君四  
美二難并愧予匏繫閒居冷折來衰柳不勝情遙  
望鞭絲與帽影男兒生非麋鹿儔東西南北恣遨  
遊河汾秋色尤堪賦早晚詩筒託置郵

山行

深山長夏不知暑古木沉沉拔地起如何亭午未  
聞鷄數間茅屋山坳裡野橋半圯無人行橋下澗

澗自流水

冬日過陳健夫西峰艸堂次楊耐庵韻

閉戶袁安隔世塵漫漫雪徑屐痕新酒寒易水憐  
同調屋繞梅花擬結隣此日羈人逢路劇自來才  
子坐詩貧只應玉宇瓊樓上位置元龍百尺身

蝴蝶

翩翩花蝴蝶飛上蝴蝶花兩物孰真假吾將問南  
華

即事



天際癡雲膩庭前細雨篩此時寥落意只有亂蛩  
知

機杼殷咿軋涼宵燈火清吾家無懶婦促織不須  
鳴

以南姪自金陵挈妻子還得四絕句

新買園林綠四圍牕前有鳥喚催歸齊眉夫婦歸  
來後井臼從茲得所依

金陵門第說盧家八載東床壻亦佳聞道冰清憐  
玉潤可能容易別秦淮

高陽門第賴撐持冢婦操家潔醴醢大父堂前還  
衣彩吾兄膝下復含飴

高曾五世一堂中共羨全家道氣濃九十太公重  
慶下長留青白振吾宗

許台燿

台燿字在三維楫次子諸生以子元基任四川邛  
州蒲江縣知縣遇覃恩得追贈文林郎

芙蓉湖泛舟

秋來水面起涼颼一葦飄飄任所之騷客塞芳依



桂棹漁家買酒指青旗落霞孤鷺半天畫楓葉蘆  
花滿地詩長笛數般何處響美人渺渺費相思

許元愷

元愷初名南耀字壽纏侍御之孫維枚之子早歲  
遊庠三躋南闈乃奮志入都觀光上國康熙庚子  
以徐元愷名應順天鄉試遂歌鹿鳴會試兩下第  
而不歸竟卒於京邸

雨中秋海棠

海棠顏色如嬌娃墻隅棄置亦可嗟忍看一雨委

泥沙佳人命薄多若此西施湖中葬魚蝦明妃馬

上彈琵琶

見落梅

滿庭香玉落歲蕤莫問南枝與北枝一瓣飛來心  
一死萬千心事有誰知



七十二峰足徵集卷四十二

武峰吳定璋友篁菟錄

上元張堅漱石編訂

葉蕃

蕃字君錫白沙里人服竒而古言博而辨好黃白  
之術日鼓鑪燒汞盡破其產而不止葛震甫其婦  
翁也二子隱僧能詩豈僧能畫

感懷

欲看青山雨後真慍窮何意似居陳閒雲自在因



無蒂孤鶴逍遙未解貧溪上落花能出世夢中騎  
蝶不飛身申胥今向何方哭碧淚熒熒化野燐  
詩魔如酒可忘憂行伴登臨卧枕頭嗜字蠹魚曾  
種癖苦吟蟋蟀賦多愁季真自昔稱狂客蘇子於  
今笑敝裘感憤吹然秦政火焚書臺上毀春秋

戊戌小春出山

一葉乘秋當折蘆洞庭秋老雁殺孤霜前紅樹開  
生面節後黃花識故吾煉藥獨慙勾漏令牽船猶  
傍莫愁湖也知此去從丁鶴華表歸來事有無

葉闇

闇字隱僧初學詩即精心騷雅及壯不婚不宦徒  
走吳越秦楚燕粵間以詩文自豪蒼舒記其語曰  
予半生游食性不狎世所往輒困而詩文益奇吾  
爲文一以莊騷為帛為粟為腰脰為瞑瞬咳唾如  
是者積三十年邊嘗以甘腹詭以智不自知其變  
化之道如風雨之無鄉也每拈題構局沉思竟日  
不成隻字或當威霆破電之下砒然衝激則急起  
而赴之如是者十年人以為烟霧我以為山川久



以為翳蒼我以為鳥獸上有高岸下有深谷其于  
為文幾幾乎危而得之矣今夫詩文之勁篇也孫  
子之言曰渾渾淪淪形圓而不變紛紛紜紜闐亂  
而不可亂則詩之謂也夫舞者左袖召游龍右袖  
駛飛鴻盤互衿裾呼吸洪濤十步之外瀑氣飲人  
于肝脾腠胎間使裋褐皂衣舉禿肘而謝不能矣  
其自矜詡如此觀年更號林屋嘗選近代人詩二  
卷名曰詩逢詩晚所著有樹滋堂集學古吟茗柯  
刺言東徙吟數種江陰張大育為之序云林屋

具一肺肝不肯乞靈于古人亦自成其為林屋之  
詩而已

劉文學楨感遇

神臯宜適館在藻臨清源公子愛敬客賓從寔有  
繁繼日乃卜夜追歡意未諼倬彼延秋露風枝曳  
偏反明燈不如月綺麗滿西園僊咏遽流盼觴至  
抗且論朱華盡昭晰夕鳥時驚翻鼉鼓蕩金波極  
樂四坐喧正體兼弘貸無令監史煩所欽親儀鳳  
平生比澗繫微臣廁儒雅懿此太康言



應文學瑒侍集

黃鵠一再舉迴翔下平柯同群羞燕雀中道阻山  
河黃臺滿荆棘江海苦矰落咏君瑯琊稻唼君液  
池荷風華時菊媚顥氣露莖多鸞鳳同轂響飛揚  
舞傴僂公子光天步酌我金叵羅纏綿心自許宮  
徵調相和獻壽兼誦詩思柔豈不那逝屐輪翮用  
載颺起謳歌

嵇中散康言志

傾轉畏夷路殺利坐相捐靈根植初九不違養生

年伊余早孤露望道阻高堅簡身任懶僻直性矜  
自然時網嬰世患吾壽何當延往者不可諫將來  
圖靜便華池為鍛淬樾蔭息詩肩鬢眉淡流水嘯  
轂入寥天齊物莊生達知常老氏玄灑落七情外  
超遙三山巔樗材散乃大木鷄形乃全傲睨人間  
世知音藉揮絃

阮步兵藉詠懷

雙龍驅夏后白日凌丹崖豈不罹辛苦曠望有所  
諧洋洋流水曲可以喻中懷經天耀四海靈曄麗



三階誣詠忽間之羽翼臨當乖雲霞紛變態運會  
非安排何必同衾幃處浦長自偕焉用通媒問心  
儀季女齋

劉太尉琨傷亂

朱鬣呈天驥萬里効馳驅妖牝開藩虜戎成薄海  
隅艾杼夏一旅尹仲周蒸徒中興自此始司隸還  
東都腹心重寄托屈楚任夷吾讐黨為之用展然  
霸莒蒲人言困能亨習坎維中孚吾生希數子禍  
亂故良圖豈惟汲短綆抑亦爭衰顛時乎功不逮

去矣歲云徂祖生不相待荒雞中夜呼長鞭策馬  
腹劍首映錕鍔天高那可問晉壘杳飛狐社鬼新  
君子羈臣故大夫生存家難恤死逝國恩孤誰辨  
荆和璧楚儉混砮砮

郭弘農璞遊仙

湔帟謁大羅雲城鬱霄起鳳旂觴戴勝滄海三見  
徙淺立金銀臺芝田交蕙耜麟龍游其涯日月出  
其裏瑤島聞精香琳園餐玉李兜玄蟪蛄窟太極  
無濛汜雙成顧我笑中州不足屣薊子喻千齡若



士越萬里

其東許徵君詢自叙

靈曜晝經天奔馳不待脛深眇至人居玄冥離華  
競吾生信有涯觀化原無竟畊藉東海田藥采台  
山勝理至排空筌機忘捐智弄天游獨解設一往  
雲裝淨石室閱重閣松風颯寒勁甘菊資糗糧黃  
精劓鏡柄異哉牧豕子所遇皆仙聖去矣巢商山  
葆塞其性命向氏窺損益尼父體居正五盖發屯  
蒙心淵秉如鏡

陶徵士潛田居

宿雨霽村烟鳩鳴桑土上晨光荷鋤出沿塍汎流  
響時至無落事卒歲資生養少壯力勤劬為禾勿  
鹵莽塗足理荒穢良苗疏易長午鷄遠相聞子婦  
盥偕往壠上輟耦耕落日更舉網濁醪呼隣叟既  
醉歌擊壤畏壘民風淳男田女績紡五斗謝腰組  
歸來足偃仰

顏特進延之觀穫

三壤今則賦千耦古開阡不有西門漑疇瞻北郭



體皇心宅無逸孝敬永祈年乘豫臨秋藉璿臺輟  
 宮縣倉箱盈量鼓登頌樂成平叶日霽樓觀迥齋  
 清饴吉蠲司空拓立武都尉苾菟田嘉魚占屢夢  
 芝房湧醴泉原省場功畢櫛慘物化堅薄海膏雨  
 露棲畝遍山川報蜡民神洽王猷富教宣汜生明  
 五見管氏藏三權儒臣從孔首提槩起區屜班綴  
 吹豳籥陳詩賡大田

袁太尉淑從駕

時為御史中丞從  
宋祖拜廟南郊

中和宸極建仁孝泰元交佑命熙三祉端儀穆五

教王春發獻歲渙假廟還郊大報孚盈在江漢貢  
 菁茅赤車龍氣繆彩伏鳳旂標田燭迎為旦銜亭  
 憇作寮恭先文袞冕虔告簡陶匏相辟圍皇邸伶  
 倫奏簫韶膏薌烹列鼎芻莆薦行庖海嶽依京裸  
 臣民浹駟肴風祥調舜捺天吉吐羲苞一成例順  
 動九伐格有苗待勒東封石臨文崇國膠

王徵君徵養疾

肘柳今猶在申我三彭仇檝株為此拘人生實贅  
 瘤何物冥靈老祇抵蟪蛄秋寒月規如玉立雲澹



不流鵬鳴津戶聞猿吟峽山幽自得桐君錄心以  
虛為舟

鮑參軍昭戎行

造秋候烽急塞雲遮關隴選騎一當萬奮氣士皆  
踊畫地喋觴來刁斗無喧詢漢鹵紛拏間槍呼如  
洶湧挑入大軍鋒貫出西將種飢得寘顏粟渴就  
祁連漣日暮抗旌還月上明妃冢長白舊東山因  
余賈餘勇

謝光祿莊郊遊

綠溪挹洄酌秣越且臨坻秋水歸無止衡門足棲  
遲振策迴鴈嶺方舟化龍陂爽籟叩虛壑清暉吐  
朝曦菊芳粲蘭薄楓色冷江湄旅生兼晝短絲髮  
受風欺果腹青精飯醅顏碧玉卮願偕同心侶獲  
我復何期

邱中郎遲侍晏

椒圖啟曙扉輦路春暉滿雉子拂林斑龍媒承步  
緩天花散御香語鳥調仙瑄漾景商容臺卯色飛  
廉館皇恩被親睦宗工登晏衍表海知在茲來方



還及旦戎旃喟莫從離會榮雕簷  
大王洗馬筠僧房  
華陽十賚存梵天三士列靈峰麗修景溟漲排空  
澗荒林鹿野曠古寺篆碑缺得意即乘閒真心趣  
乃別羅戶衆山青照檻華池潔霽雨乍蒲塘落日  
明鶴埭泠泠澗沙瑩緹緹谷雲緹巾幘淨埃氛几  
業清炎熱塔焉物外心一棹滄洲發

韓詩

寺杜于文章兩雄力相闢彌天振長策元音肇太

發正色吐光芒烈日照宇宙韓公起紹之陟降帝  
左右玉鞭鞭紫麟龍鸞亢先後捫天抉雲霓赤手  
搴星宿招徠若虬角簸弄丹鳳喙神闕劃靈籥鬼  
斧鑿玄竇采琛無端倪高躅騁馳驟陰陽自搏抗  
風雨相輻輳無巨細美惡形色與殼臭隨其所喜  
怒齒頰恣陵詬帝欲昌斯文故使公領袖一飯告  
屢空五薦僅乃售躑躅謫陽山郡齋侶猿狖稍遷  
法曹椽瘴癘猶未復洞庭波浩淼幾塋蛟螭口四  
門迪胄子進學多造就佛骨上封事吾道除稂莠



一麾路八千下瀧驅鱷走雄文協王鈇至誠感乃  
祐起轅晉吏部出使寢籓寇朝廷伏公力帝座安  
如阜方將登三事奎璧歸天帝天生昌黎公為世  
衰靡救排空障狂瀾百川皆歸瀆叶豈惟文雄杰  
忠鯁骨挺秀嗟吾生世晚末學竊荒謬于文得正  
宗詩乃驚篆籀餘子競蛙鳴黃鐘掩瓦缶筆為  
公述無慙風雅右

山行

兩山白雲合平楚皆蒼松參差松絡雲松陰雲重

重行人轉谷口出路雲已封白雲瀾似水蒼松矯  
如龍飛瀑盪雲開奔雲成溶溶依稀水雲外更有  
千萬峰暝烟四圍起茅庵尋暮鐘投宿白雲下明  
朝數芙蓉

聽松堂社集賦得庭前五色梅

庭前老梅樹著此五色奇今歲天晴暖迎霜弄春  
枝山堂促燕膝邂逅新相知三雅一再行言懷各  
賦詩當茲庭樹葩艷雪芳歲蕤本以貞素質而為  
倩盼姿他山供栽接橐駝妙功施始識矯制力變



化竟如斯草木貴學問况乃生人爲

和昌谷章和二年中

棟花風盡鳩拂羽蘄蘄麥秀粟天雨去年寡婦歎  
無襦今年農父慶添租社酒黃雞歌帝力溝塍涓  
涓湧泉脈嗤彼跋跋游冶兒寶馬金羈騎上客醉  
拍田家老瓦盆松毛爲茵蕭爲席牧人夢魚獻天  
子更道明年虫蝗死

苦寒行

太行山何崔嵬太行雪何紛披北風溪面來縱橫

裂人肌男兒輕行役豈爲寒所欺我指即墮我馬  
猶馳載雪與負鹽榮辱亦相岐我聞將軍毳幕下  
擁爐呼酒汗交頤帳外健兒僵凍死帳內將軍那  
得知嗚呼燠即我醜寒我師苦寒教我無已時

飲馬長城窟行

將軍手提烏號弓將軍身跨烏騅龍天山血戰不  
論功歸來飲馬仍嘶風長城水深白骨古中宵猶  
作秦人語萬里成城功不收千年遊魂歸何土驪  
山烽火屠咸陽不是賢王是楚王八千子弟雄渡



江何不江邊高築墻男兒累尸葬馬革徒死殉君  
 君未得秦皇翻作漢功臣為爾任怨築爾城古來  
 土木皆如此鵲架巢時鳩不理新白骨古中宵  
 兔目粟粟青槐樹黃閣轟轟白沙路二十五點清  
 漏長鳳子隨飛金根去蒼龍闕下虎豹關莫問淮  
 南大小山頭會箕斂困縣官丞相低眉誦孟盤平  
 津不語汲公語烹桑弘羊天乃雨

秦人涑水詞

涑水蒲葉青小姑采蓮處阿侯來不來按碎蓮心  
 苦蒲生勾蓮蒂蓮枯見蒲根莫拔斷蒲根恐傷芙  
 蓉魂

秦王飲酒歌

秦王隻手撼鰲極鞭石成梁跨海碧彎弓射鯨憂  
 有殺鯨背翻波海不平日邊酒旗搖天星擊缶烏  
 烏鼓棖棖仙人鶴駕吹玉笙群臣卻聽酒不行星  
 辰爛爛照眼明驪宮月落夜三更虎枕高眠鼾猶  
 惺卷衣宮女侍華清山鬼白晝盜壺觥十二金人



衣甲輕扶蘇塞上淚泓泓  
崑崙使者

流沙萬里驥一息粵天直下吞海色  
荒唐博望斗邊槎石榴葡萄帶不得  
昆明石鯨鱗甲寒西內扶荔愁枝折  
可惜劉郎鞭箠心烏孫馬上彈明月

雁門太守行

太白八月妖星摧細柳營門甲帳開  
孤軍轉戰重圍裡秋水橫腰陣雲紫  
不用囊沙與背水馬尾桀桀嘶風起  
報主雪仇明得意英雄不共鼓殺死

牡丹種曲

維神夜怨宮娥老黃袖仙人種  
瑤草搯根染就九色霞火字兩行  
照清曉漢宮不臘野炊烟君家小  
築護雕闌預畜紅醺歡相待花下  
拍肩張鷟絃花神笑踏月黃昏  
姚家魏家最承恩沉香魂醉銷無  
主寂寂小窻聽鶯語

北中寒

狐裘白白貂裘紫百尺冰蚕僵不死  
紫軒宛頸肉連理五更玉結天河水  
駟酒醍醐錢十千灰刮燒



殘不夜天黃金沓地醉莫喧北斗闌千天倒懸

貴主征行樂

追詠馮洗夫人用兵平蠻

錦繖晃晃犀渠甲瓔絡交垂千蓮葉男兒妝束騎  
出城鴉黃洗却從遠征葡萄夜光香燠玉梨花鎗  
朶沉沉綠和轅畫角鳴唔呶百隊蠻酋解鐵衣

長平箭頭歌

戰場鬼火飛黃沙驚魂酸骨眼生花猩血班班鋼  
簇簇當年虎鬪折龍牙三脊射人或射馬搏拏旋  
風如雨下塵埋土蝕雁翎湮赤豹文狸嗥寒夜新

鬼襪褪舊鬼瘦紙錢澆酒牛心炙煩冤髑髏相撐  
住緼束咸陽三月火揮涕零淋摩古鏃幾度醫瘡  
剜無肉

祭酒荷校謠

紀李時勉也公名懋正統三年為國子祭  
酒忤王振坐伐文廟樹荷校于學門太學  
生石大用上  
章願以身代

司禮先生共天下

英宗嘗  
稱王振

國子先生不相假明倫

堂前樹童童一枝可伐既可嫁緹騎至何洶洶李

先生何從容當年斷骨幸自接

獻陵言事  
廷捶折肋

今日荷



校項似鐵諸生號泣奔且訴禁掖猶憐老師傳少  
年天子應未知薛家少卿來問故

天子請客歌

孝廟賜讌老臣曰請客

五日對平臺十日對便殿中興聖主志太平老臣  
只恨受知晚劉司馬戴大夫左右却避不敢前語  
久始知倩人扶兼金宮錦尚方饌承恩下階日已  
晡戴大夫不敢言疾劉司馬請骸骨帝曰君臣魚  
水歡有如主人堅留客客何判袂欲辭歸二臣相  
顧辭不得丈夫生逢知己恩但當輦轂之下死報

國於乎明日忽聞天上騎箕尾又道乘龍上鼎湖  
老臣腔血淚欲枯主人留客奴逐客奴劉不然安  
得東山草堂歌烏烏

獻皇考歌

獻皇世廟之生父世廟入承大統議尊獻  
皇楊廷和毛澄主議遵宋濮王禮稱孝宗  
為皇考獻王為皇叔張璠爭之稱孝  
宗為皇伯獻王為皇考恭穆獻皇帝

不稱宗曷稱考既稱考應入廟更命不在登大寶

祝融之威天所告

時清寧宮小室  
灾假改議不果

不念康陵十六

年今日稱宗何草草嗚呼魯史躋僖公新鬼大兮



故鬼小一人承祧兩人絕

孝宗武宗

大禮是非何可道

椒山膽謠

楊繼盛疏嚴嵩十罪五奸嵩恚謀廷杖死之時校尉苗生飲之蚺蛇胆酒楊置酒不飲曰椒山自有胆

馬市開誰當言大臣不言小臣言謫戍狄道豺虎  
邊折脛幸未死中歲忽三遷國恩何以報願擊大  
慙發大奸諫書入重受杖椒山自有胆不因蚺蛇  
壯枷鎖過滿城香割胆如飴甘可嘗藏忠胆當化  
碧龍逢比干國柱石

鷓鴣血袍歌

毛山人出入張江陵之門張奪情時衣緋錦袍賀萬壽山人指而諷曰此杜鷓鴣血染成也江陵不悟

張相君何汲汲馮璫猶在可再入父死何云歸不  
得李賢即可師羅倫小子無所知爾曹何用殺我  
為毛山人勿饒舌宮袍錯訝啼鷓鴣血相君何不早  
求脫帝留相君相君胡不歸帝厭相君相君欲歸  
不得歸

大刀誄



足徵集

葉氏合編

十六

劉將軍緹號蚤大刀與杜將軍進兵駐于寬奠謀者傳杜已入公恐杜之先也冒險疾馳中伏馬蹶坑馬偕義子劉招孫及朝鮮帥金應河俱死

劉將軍年近七旬大刀百斤身騎雙馬夾翅劉招孫平翻海水踏崑崙據鞍矍鑠超其群詎知深入兵法忌犄角不成走死地風折牙旗豈天意呼嗟入傾老將斃

經撫入關行

惜經略熊廷弼也

世無班定遠安得生入玉門關世無秦穆公安得素服哭峭山我今東北睨熊王胡為並驅入閭陽

經撫雖云本一事其中情罪能無異竒才衆殺有誰憐宵人之黨況中權一夜矯旨出駕帖不死疆場死妖孽自壞萬里一長城敵人歡喜國人驚正加楚敗殺子玉安得定遠與秦穆

楚王孫

誰言楚王真主者沈四明誰言楚王假主者郭江夏莫問楚王真與假但較主者官高下言真是言假非郭公掛冠去妖書搜其帷舟泊楊柳渡一家宛轉啼若非皇太子骸骨安得歸有人自鄂來為



道楚宮邸老馬變為駒鳳皇啄粟米不見六國時  
有春申憲宗朝有難陰獨使王孫攻者纍纍鎖項  
死至今鄂渚流酸辛

大楊小楊諶哀楊漣子之易之賦也

大楊花小楊花飛絮落誰家

井梁謠

雲間徐念祖乃尚寶之子八月初三偕其妻陸妾李驅兒女于井夫妻妾列縊中堂三日後劈門入見之面色如生

徐尚寶好兒郎大妻小妾從屋梁佳兒嬌女井中

央

四牌樓怨歌

鮑芝陶袁自如兩經畧授命于此

四牌樓接西市血海一泓染霜紫冷風吹折白旗  
竿百千纍鬼啼辛酸酷吏爰書駕帖頻厲鬼夜附  
怪鴟起中有二鬼殺特雄慘悲相喚吁復詈燐火  
熒熒乍遠邇細聆俱作沙場語不死沙場死此間  
屬鏤從來寃國士誰憐朋黨坐封疆生不能生死  
非死骯髒熊袁二老魂千年不散秋雨洗

石砮女將歌



天啟中西川石碛土司女將秦良玉率所部兵入衛荊州熊紫珍太守表為將軍既入京陛見遂命赴遠經畧熊公奏卻遣還謂中國豈無鬚眉丈夫

先朝陽九天啟時荆南表率勤王師供億餼糧欵  
女將鸞韉雪甲西川姿中原豈是無猛士此女獨  
建靈姑鈔朝廷黃榜招豪杰一萬安家二萬齋黃  
龍未敢出半步玄菟何時能拯危獨漉獨漉秦家  
女家世鐵印宣慰司清水潭邊磨劍試班布山下  
調馬騎萬里曉粧投鏡起三千組練同驅馳金步  
搖卸兜鍪鑿玉條脫繫光明披麾前佩乃蠻棘八女

部下强弩巴賓兒自言夫婿伏波後身經百戰夜  
郎睡不分丈夫盡巾幗可堪塞北有胭脂願當一  
戰先諸道手關五石射郅支施南酉陽無顏色奢  
香不敢窺滇池霜風汗血桃花馬塞月新彎柳葉  
眉重池珠極窄兩袖梨花之鎗雪一枝羞殺蕭娘  
與呂姥人中詎得別雄雌石碛女將壯艷有如此  
娘子軍木蘭女石龍夫人錦繖老繡旗女帥劍光  
死唯汝濯濯復盈盈快步秭歸過荆市十日黃河  
半月燕鼓吹直入朝天子天子勅賜飛龍馬捧出



尚膳珍羞醴下馬稽首飲顏酡殿上公卿咸色喜  
 奉詔指日出榆關經畧熊公一疏止中國不道無  
 男兒裙釵何以辱車騎婦女在軍軍不揚經畧熊  
 公得大體吁嗟乎經畧熊公得大體

俺荅三娘子歌

三娘子以孽孫故和好中國  
 關門之不被兵革者四十年

北門開良馬入誰其為者關氏力關氏有力制單  
 于塞外無烽烟塞內吹笙竽長城交馬如市衢四  
 十年無兵火望闕氏如花朵花朵天天不長好昭

君冢上青青草中國男兒徒膠擾

二夏詞

紀殉節也大夏名之旭彛仲兄小夏名完  
 淳彛仲子五月十三卧子既執復執二夏  
 大夏夜赴文廟雉經顏子位前小夏執自  
 嘉善過弘化關望見鍾山長歌痛哭謂人  
 曰吾得投骨于舊京死復何恨  
 臨刑神色不變時年方十七

雉子斑斑不如二夏之文彩兮况小夏之少年飲  
 咏兮五步十步艾而張羅目以連大夏矢死四顧  
 城市不可盛我尸走歸至聖前回也短命我其從  
 旃小夏仰天而語儂如黃口羽毛摧頽魂魄猶能



飛上天天上白玉樓近在鍾陵山大哀以扣之金  
門訇然開祖龍老子皤皤蒼髮呼來前阿父騎長  
箕鼻仲死節  
在三年前阿伯步斗躔小子授簡命州仙人篇  
天以南天以北與協鳳皇鳴不隨鷄鶩食

太學石鼓歌

少年躍冶陵江許足躡石龍聽銅鼓兒童跳躍嚮  
春雷萬樹鶯花變風雨偶訪故人到衡陽衡陽石  
鼓湘江浦云是張華叩蜀桐時一瞥眼紅亭路回  
首蹉跎燕市春拜謁素王宮殿廡森森法物觀兩

序翠碧琉璃妍且古如鞞如鞞字滿腹蟲魚啣蝨  
蛟螭怒或如落落望晨星或如離離鸞鳳翥或如  
歷歷軍竈減或如翩翩雁鴻聚或如杵臼頂炊窰  
龍飛骨出鬣折股我家籀帖昉于此前朝傳自四  
可甫鯉庭幼肄傲宿儒阿蒙無人為訓詁驀然驚  
見石磊磊古字輝煌殘齟齬是時冲聖肇當陽聞  
道饒歌下朱鷺遼海廣寧唇齒寒寂不聞言邊塞  
苦金人銘背口三緘奮欲擊之中涓怒艸莽小臣  
無言責空懷獻納向誰語坎坎無穀立鼓邊心在



車攻馬同句安得六龍排法駕天清日朗聖顏睹  
走願置身牛馬間手折楊柳貫魴鱖驅使貔貅磨  
盾鼻大獵三驅雄鹵簿上馬殺賊下馬歌小醜角  
崩而竄舞殿上綵毫讓公等快覩膺懲揚我武奇  
字何人邁子雲風雅誰堪媿吉甫側聞左氏椒舉  
言成王春蒐岐之滸實寔枚枚作鼓形有如神禹  
九鼎鑄周公制作時大備功業文章非小補駕言  
徂東獵洛社北狩岐陽威大鹵卜世卜年祚八百  
轍跡遷來莫西顧宣尼周流未過秦但採車麟駟

鐵賦比千銅盤佚殷姬李斯罌嶧空齊魯自從淪  
沒十六州天地冥冥日未吐我祖台山出漠北頌  
聖詩章嵌廊廡雖無牧豎牛礪角忽有宮墻生眾  
虞兩序赤文皆失色祭酒諸生耻樽俎往往清夜  
聞鬼嘯至寶辱污棄蹂楚榻歸東海春復春磊砢  
未能平肺腑風簷取展回環讀拭拂塵埃辨魚魯  
書生妄意闚聰明疑者闕之信者譜十篇完好登  
雅頌爾雅周官相參伍夢寐衣冠釋奠時升歌舞  
蹈協鐘鼓千秋法物吾得之慎勿示人驚僮父



奇石歌

奇石奇石乃在吳門之南長洲之北徐氏東苑之  
西凹靈峰截業目未睹唐宋記載無其曹縱之五  
丈橫丈五氣色瓌岼千人豪餘峰攢簇露詭怪或  
用金錢相牽牢上下壓疊裊岩磴洄狀蹙沓來驚  
飈綉窩團結百蕝亂穿扇崩蝕千窩粿光開天目  
乍虧蔽鏤空地肺疑藏蛟峰巒促縮見彷彿五岳  
繪寫存頭尻恭聞此石之來自宋世道君正受明  
堂朝薄海晏然稱無事花石綱運民頻勞搜林剔

數破苑圃此石始築何岩堯驅工作山號萬壽特  
立艮岳撐雲霄六宮凝睇至尊笑嘉名肇錫傳臣  
僚東京繁華歛成夢赭服青衣長天猶穆清延福  
悉灰燼冰天雪窖魂難招流離轉徙四百載風斤  
雨削何漂搖嘉靖之季尚書董購經震澤沉波濤  
千夫推挽始得出并獲磐石如巨鰲試將此盤盛  
此石天然位置匪斲雕乃知神物有訶護雌雄劍  
合寧虛謙徐園主人曾幾時摩挲舞拍羊家腰珍  
似平泉解醒酒用大空遺五石瓢頽然塌倒卧荒



草斷處人言霹靂焦童敲牛礪一間耳猶有三峯  
高建標我來瞻拜瑞雲下歎息竒物失所遭禹金  
鑄鼎閱年代成毀在天非人料姪奢工巧致夭折  
詎係此物能神妖瑤琨琳瑯古職貢聖人修德却  
旅葬魏榆辨石石有憑叔夜持論輸張遠并沉榮  
辱皆如此間披苔蘚話前朝

行行且遊獵篇

朔方健兒誇身手能騎生馬弓懸肘高鞬射獵陰  
山道直過三隴逐飛走黃沙白艸磧不平呼鷹牽

犬出邊城控弦一發僕姑叫血花片片抗前旌老  
獐狡兔不得活駕鵝天邊落蒼鶻行庖擊鮮酒如  
泉捧卮為解將軍渴歸來半醉垂金鞭華堂歌舞  
氍毹氊滿天雪落貂裘寒肉屏狎客圍兩邊人生  
快意當如此白頭牖下徒為耳何用區區獻天子  
觀徐彥臣闕若韓鄒訐士圍碁歌

有客有客憑石几寂寞精神手不起摹空擘畫交  
垂頭良久鏗然落一子遊戲神通小戰場橫迎直  
擊爭生死漢高石勒逢中原兵法孫吳安足齒中



間大道坦且平仁義周旋齊進止有意無意置若  
忘各守鴻溝勿虞爾偏師忽穿子午谷間道疾趨  
號令詭襲川鄧艾懸崖行王濟樓船飛渡水豈曾  
無備任蹂躪墨守輸攻驚彼此相持一間係全軍  
轟電奔雷阻溝壘別有救趙施奇謀舍敵銜枚路  
直指驕兵吞併計未成割地翻輸數百里劉項屬  
意俱關中智者潛窺隱忍俟伏奇借勢制人先四  
塞山河歸表裏邊隅蕞爾不足存動色經營爭未  
已殺傷狹巷差相當八陣五花嚴律紀長驅一蹶

失萬全東南半壁俱傾矣鄒生自命飛將軍應接  
先機脫兔徙若韓刁斗何無譁敵來十步佯不理  
徐子將將更有神旁觀指顧運籌美勝負未決相  
徘徊為漢為楚一言倚風流羽扇更何人三子爭  
驅今並軌得暇來從鉅鹿觀棘門灞上等兒戲太  
原道士生同時此局全輸復奚似橫絕意氣百戰  
間表降遺事真堪耻斂枰黑白倏已空舉手一笑  
誰英雄

虎牢關



浩蕩關門路沙場戰骨高  
 秋風驚塞艸寒雨下亭  
 臯閭左徵求急荒村甲戶逃  
 老當驅策過蒿目嘆  
 民勞

銅官驛

扁舟如落葉飄轉到黔川  
 江漢無情極乾坤醉眼  
 前長沙揮涕日萬里入春天  
 今夜銅官月清光再  
 上弦

燈下草虫鳴

不敢雜他響幽聽半夜中  
 已知絲裊裊難辨艸茸

茸殘火散形似羈人心緒同  
 鬢毛吹幾縷愁謝共  
 西風

蛟門登觀音閣望海

驅石暫停鞭蛟門三萼連  
 洪濤朝古佛危閣挾飛  
 仙地軸虛無合天荒開闢前  
 平生湖海氣到此竟  
 茫然

溲上送張子發

湖口雨初霽夕陽烟水空  
 舟移燈火外人語別離  
 中飄泊看歸鳥安危任轉蓬  
 去留俱客路彈鋏警



霜鴻

慈溪夜棹

暝色入江郭江聲流到天靡靡葭渚亂析析星波  
圓沙竹澄細火岡茅生遠烟片帆乘夜發不寐擁  
衾眠

小桃源感舊

荒墅城中不遠村翛然籬築柳欹門昔年携手半  
泉下此地看山破寺存藉艸坐遲野老語斷雲吹  
冷夕陽痕支頤一往空雙鬢消盡春風石上魂

粵使檻貢釋虎

白額南山堪伏處居然咸若子孫繁林端霧散斑  
文起檻底風生卧嘯喧阿閣鳳巢曾賀瑞殊方爨  
至總承恩聖朝詔絕珍竒貢上苑多時罷虎圈

中秋經堂坐月

無端問水沔江濱秃筆驅人浪拍身佳節偏宜秋  
在寺故鄉惟有月隨人靜中年譜愁堪紀亂後詩  
筒老更親此夕經堂坐孤韻誰言狂客不傷神

入門

七十二峯

東山合編

卷四十一



八載過門慵掃逕却憐去住近如何傷心灑血都  
成淚垂老無家一放歌尚有乾坤容戰鬪祇將日  
月付烟蘿孤闌寂掩聞鴟嘯蒙袂歸來廢蓼莪

吳穀子夜歌

歡嗔儂有心儂道歡無情燈火語玻黎爾薄我分

明

文雅雜吟

春蚕吐春絲却在繭中住衣被世間人一身不能

庇

明霞墓

馮司李愛姬墓在湖州峴山

千古良緣半負辜最慳才士與名姝季倫一去無  
消息值得詞人弔綠珠





七十二峯足徵集卷四十三

武峰吳定璋友篁蒐錄  
屏山金世襄翊文編訂

金太信水東西兩師氣如兼咫尺野讀文坐來

信字  東山人與楊鐵崖倡和詩載震澤編

洞庭曲十首  
奇峰七十二  
齒齒青蓮開遙看出雲雨不似楚陽

臺  
海客走相報龍王嫁女來雷車挾風雨高浪白成

七十二峯

東山合編

卷四十三



堆  
 波濤三萬頃倒浸中天月蛟精戲神珠開扇白銀  
 關  
 洞庭西去浪出沒有雙雷遙看青兩兩不識具雪  
 堆  
 浩蕩太湖水東西兩洞庭吹簫明月裡龍女坐來  
 聽  
 毛公來刺船遂入林屋洞洞戶夜不扃風雷自相  
 聞  
 十二峯

雌風吹雨脚龍腥湖上聞小姑彭蠡至來謁洞庭  
 君  
 日落洞庭波青天風雨作垂龍掛脩尾有似青旗  
 脚  
 湖上望蘓臺水與青天遠長風送飛帆忽到長洲  
 苑  
 有客浮槎去槎頭掛客星仍將莫邪笛吹與老蛟  
 聽

金繼昌



繼昌字思善號養浩明弘治間廩貢與蔡景東為友

賦得富貴須當置身早  
海枯川竭蛟螭泣轉盼風雨飛鳴急丈夫變化未  
有期功名還向少年立烏丸疾奔不可擊誰能喝  
之使倒行昨日朱顏今白骨剩得秋郊鬼哭聲拖  
青紆紫豈足以致君無術深所恥詞源橫寫萬言  
書黑頭三公世無比君不見班超投筆事邊籌二  
十功成便拜侯又不見鄧禹伏策二十四雲臺勲

業遂素志上馬橫槊下賦詩一生富貴亦隨之嗟  
彼利劍常在手及鋒不試待何時

寄蔡景東

病裡思君悶易添書齋白日坐淹淹東風莫道無  
情思也送飛花入小簾

金燔

燔字伯獻金自南渡來為山中望族咸雄於貴伯  
獻能折節讀書與四方名士交遊以詩鳴於五湖  
間葛震父吳凝父咸重之所居有亭跨澗上水聲



潺潺遠几席郭聖僕題其壁云青山若為雲扶起  
碧澗時因水作聲有客看山還聽澗十年塵土一  
朝清所著澗戶集一卷固始令葛逢夏序而梓之  
金 范蠡宅

少伯却鼎俎以柔克強吳功成掛帆去漂泊同鷗  
鳧偕隱完初心擇地安所居相傳五湖宅乃在山  
之隅碑蘚滅蚪斗鈿花落遺墟人國亦已矣對此  
增嗟吁

春日能仁寺

古寺一山盡隔淑生孤島人烟雜深樹雲帆落飛  
鳥去年曾此宿風光自然好故人讀書處花落無  
人掃

仲孫有芳北上示之

弱冠已作客來歸覲吾老今日復遠離正值春陽  
早同遊二三子麗服映芳草南雲望漸北夕鳥織  
還曉慚無祖德肇得見孫枝好惟謙受明益一實  
消虛憍此語良足規服之以為寶

澗亭



溪轉花間僻亭開石上幽晚山歸野衲晴雪點沙  
鷗世態雲俱幻年光水共流酒杯長日月於此足  
淹留

小構喜新成溪流綠漲平竹深無日氣花落帶秋  
聲投餌魚爭出敲棋鳥不驚陶然一日卧亦足了  
平生

震甫尺木齋

種竹新開迳看山舊主賓相尋不待暇好語覺生  
春綠酒吾堪老青緇子自親桃花池上照流影啖

潛鱗

同許裕文酌張徵君

每會無嫌數今逢感歲華月知玄度侶秋好季鷹  
家誼古天俱露觴多政不譁涼風吹白帟香落鏡  
中花

送雪公之金陵

已共山中老如何又出山水雲今日別瓢笠幾時  
還乞食人烟外題詩面壁間六朝燈火在次簾訪  
禪關



寄萬養浩時在由拳

看花花裏約春去轉徘徊婉孌鱸鄉語風流菟苑  
才雲邊雙鳥沒烟外一帆開悵望成孤嘯松風日  
暮來

夜過石湖

雨後澄新漲蘆邊起夜風水燈懸塔照山磬落舟  
空可數吳江樹同歸笠澤鴻長謠對霜月溪路石  
橋東

病起

一病當秋起枯藤藉未安感時吟思苦隔序社盟  
寒水艷芙蓉老霜聲木葉乾沾沾兒女喜減藥漸  
加餐

病間得震父書

卧病經三季艱辛祇自傷相思日月滿為別水天  
長一鳥伴孤寂雙魚來八行歸期君不遠同醉白  
雲房

夏日過周逸人

平生感道誼今日到幽居池上藕花發窻間蕉葉



舒閑情天放鳥樂意我知魚自此勤相命山尊綠  
有餘

風雨中謝孔道行招

欲赴山中約輕船已在門詎堪風雨意不解水雲  
村百歲無多酒孤花有斷魂悶懷何所遣獨坐到  
黃昏

湖樓坐月

涼宴開中夜高樓在水濱相看惟有月此外更無  
人秋氣酒堪入天聲歌與鄰幾家雲裡宅喔喔報

司晨

吳城止張汝陽家

幾曲城壕路因君此放船登樓憐丙夜遵海憶丁  
年雪白孤尊酒霜清一雁天西風吹禿髮把手話  
燈前

秋夜訪周逸人

此夜乘幽興還疑剡曲游數溪連一水雙槳蕩孤  
舟犬吠柴門月蟲吟草迳秋相逢無長語呼酒醉  
南樓



首夏翠峰寺

不到山中寺林光掩白雲養蠶僧不見啼鳥客相  
聞盧橘亦已熟芭蕉猶未分門前澗水落寒坐到  
斜曛

晚眺

木落空山凍雨收野荒隨意豁吟眸隔溪取火客  
船泊傍晚打鐘僧寺幽天遠疊雲沈去雁沙明如  
雪快眠鷗山翁病起無多日尚怯寒光逼敝裘

秋夜與陳眉公話別

山中已設十年榻渡口忽開三泖船無論相看青  
鬢雪却能消受綠簑烟秋當楓渡吟詩冷路出鱸  
亭得饌鮮見說高齋白雲裡鳥巢平對一僧眠

夜遲靜菴不至

故人湖上問漁竿病裡相逢淚欲彈入寺正當鐘  
梵起過橋惟見水雲寬情牽楊柳三年別信杳梅  
花兩地寒草草未能留一宿夜深樽酒若為懽

月下觀白蓮

月明花淡兩相疑照向水中誰得知一唱采蓮鷗



鷺起拍浮人在影娥池

金氏治

治字躍不與陸仲飛嚴開一倡和

登僊

黃雲為衫白雲裳天芬錯亂垂衣香玉姬捧幢立  
我傍蒼螭攬轡風烟忙木公金母修遲光笙簫嚶  
嚶引上方脯麟炙虬瓊液揚嬌烟妙月意正長鸞  
鳴鶴舞何翩翩逸情媚態皆悠然彩絲縛芝色尚  
鮮解擘紅霞駐我顏奇章異籙携洞天坐雲時看

草木閑

金鼎臣

鼎臣字日昇明末以武功任參戎

秋日送陶仲文智林為僧

伊人素志傲烟霞厭看兵戈亂若麻亡國無家留  
燕子空門有意宿蘆花六根蓮淨何須水一衲蘿  
披不用紗謝却風塵歸寶地天香滿路月生華

金氏令

令字邑侯善書其篆法尤古健



送姪之淮上

天涯竹林暮草草送殘春一自北書屈誰賢東郭  
貧風吹辭壘燕月照渡江人歸日瓜期定高堂慰  
老親

徐雲子南還贈別

前月廣陵別春歸爾獨留蒼茫隔魂夢風雨暗江  
洲豈意北樓望得逢南去舟靜言贈終始精意莫  
能酬

金 鼎

鼎字重甫

分賦衝山壽吳餘生

山根起處獨當衝日夕洪濤響鉅鐘秋穀至今傳  
禹甸春桑猶自徧堯封雲中有路聞仙犬石上無  
塵卧玉龍亘古青青磐固在願期眉壽埒茲峰

金 礪

先生字元台邑侯之孫吳庠增廣生年七歲隨隣  
翁登莫釐峰有和氣化為風雨露層巒渾合水雲  
天之句時號神童居恒事親以養志為主恭兄友



弟家無私財中年連丁外內艱不居內者六載不肯作佛事致為施氏姑所詈受業於石門呂氏篤信好學當湖陸稼書先生崑山朱柏廬先生為理學名儒問難往復意浹神契咸以遠大器期之為文章根柢六經出入八家自成杼軸究心六書之學尤工篆隸何義門太史亟稱之先生嚴氣正性撻廉履方人爭延致為子弟師多所成就其卒也門人私謚曰孝正先生有瞻雲閣集求是集二卷

雪

鹽絮吟來舊寒空變態加風篩渾作粉水剪旋成  
花死到草無色鍊教梅吐葩柴扉對一尺高卧答  
年華

遊金山寺

一拳拄江水萬古俯滄洲壁鏤岑樓掛山根駭浪  
搜龍眠驚磬起帆遠逐鷗浮臨眺一懷古蒼茫烟  
景秋

登焦山

漢末焦先隱此三詔不起

三詔今何有各山餘耿光江聲寒入坐岼樹倒窺



牀劈石驚雷巧探奇笑我狂瘞鶴銘在山灘半沒于水上有太石聳峙

名雷 攝衣還謁廟壞壁透斜陽

但是歲寒種何須定屬官窺墻千點白照水幾株

寒飛瓣蜂先得招魂笛欲闌可容身作耦鎮日此

盤桓 豐圻觀梅同陸大靈昭

山曲全堆雪窮幽任所之微風香陣陣凍日影離  
離挹取孤高韵裁成斌媚詞茲遊殊勝絕莫遣俗

人知

雪霽同葉世南吳次程登微香閣

且息剡溪棹山樓放眼寬數峯排玉笋一水湧晶  
盤畏偏梅增瘦憑威風轉酸安能化珠粟比戶慰

飢寒

哭內

廿年稱結髮一夕悼空房菽水今方賴糟糠夙所  
嘗兒號殘藥畏婢泣嫁衣裳已矣高堂在潛收淚  
數行



洞山觀梅

靈壑環梅海更無他種花  
欣來香雪國悞入玉妃家  
曲曲詩情引重重醉眼遮  
笑他窮處士幾樹漫相誇

依綠園社集分韻得名字

勝友半新集薌畦尋舊盟  
荷翻魚戲蔭林暖鳥喧晴  
筆陣雄師列詩壇險韻爭  
儒生慙遠志即此是功名

歲晚即事

剩歲斜陽裡迎年臘鼓中  
飢鴉寒啄雪疎竹勁當風  
酒薄聊祛悶詩工祇益窮  
吾生生計拙事事信天公

老梅

兀傲嶽崎品格清絕如高士  
屏榮名幽香習慣傳春信  
瘦影天教伴月明邀得此君成  
老友肯從餘子訂新盟  
李桃儘向春風笑枯淡何心與世爭

贈葉十三世南

震澤風流久渺茫誰歟繼者殆  
南陽芙蓉比質天



生艷冰雪為肌字挾香蕭寺攤書邀夜月敞雲縱  
酒賸清狂一枝深慰連牆願風雨來過極不忘

村居初夏

靜裡流光故故催新蟬迎暑到茅齋名心已解隨  
春去遠性難教與熱諧蛙鼓何私占兩足繭絲有  
政嘆時垂郊行一事差堪慰禾滿平疇水滿涯

春日過依綠園有感呈次程社長

名園春色有前盟挾悶重尋莽欲迎花感新陽連  
晚發蛙爭廢沼過時鳴執經非復當年事

壬子癸丑間全

侍嚴賓聞先生於此

瞻岵應同此日情

園為尊先人所構

喜是蘭芽

今正茁國香取次振家聲

令嗣右王去冬采芹

消夏灣讀書同席瑗景伯

雲梯東望隔塵蹊禹穴探書怪我遲燕壘泥乾春  
去後蠶家門閉日長時茂林是處堪忘暑古水誰  
人解樂飢便擬把茅成小隱從教黜陟不須知  
燕朋熱客自崖分龍女毛公割臂盟雙蜨晝過幽  
夢穩一編朝擁俗情輕投竿好待羊裘老采秀權  
當角里生却恨居人渾不領翻從城市逐紛爭



一徑山根曲折通人家半是翠微封堤經水嚙柳  
橫出澗值橋傾流倒春沙際柴門維釣艇田忙時  
節走山農絕憐此地炎歊遠避暑還來認昔踪

劇暑

炎蒸四壁等張羅疑是天公降譴訶赤脚踏水邨  
可得碧筒酣飲竟如何共驚揮汗都成雨不道鉏  
禾只短簑安坐鍊教心火息涼颼颼起庭柯

早秋書懷

坐卧書巢百不憂背人歲月去悠悠芙蓉香裡饒  
殘暑絡緯聲中又早秋敢道名山上著述幸非小  
草愧林邱毛公綺季論交舊時向湖干買小舟

輓吳浩然

萬事何堪問彼蒼一經聊爾守先王甘同珠玉埋  
光氣肯逐鷄鳧竊稻梁濁酒幾澆胸塊壘敞廬長  
伴塚荒涼浩然自命應無愧寂寂聲名邨用傷

遊法螺庵

勝境頻年結想殷禪扉蔽竹到來明溪迴石作窪



尊受徑邃人疑陰洞行古蹟漸湮微變態好峯相  
對若平生迂儒不入繁華隊雲屨風簾自送迎

輓徐烈女

女為湖沙徐允正從孫女字葉信  
懷聞葉凶信潛易素服赴水死

柏舟未賦矢靡他幽壺偏存大義多止水如心常

並潔沉淵決計肯隨波生前伉儷空成約身後碑

銘永不磨死孝死貞元自合芳名千載繼曹娥

閏四月

秧信喜雨

欠水秧田插未齊桔槔聲苦竟何裨忽看膚寸空

中布直訝茅簷瀑欲垂當厄良苗如有喜乘時化  
雨自無私四郊今夜占農慶奚止區區為促詩

新荷

暑雨初過水氣香新荷簇簇滿池塘早看不染同  
君子未訝天然似六郎戲蔭魚穿錢子母趁涼鷺  
擁蓋低昂閒來相對饒幽興何必携筒效酒狂

靄碧樓社集

林擁紅粧山擁鬟春風次第徧人間乍驚和景為  
三月便覺繁香闌百般釀蜜野蜂忙競出弄晴癡



蜨戀忘還披襟莫訝形神釋須信東皇暫許閒

題鄭氏桃源山莊

小築依山十畝賒烟霞作供隔塵沙真成谷口躬  
畊地兼種秦人避世花坐久異葩飄硯額夢闌好  
鳥報檐牙應憐我是知津者待得春明輒命車

呈滄洲陳公

時羈鎮江城隍廟

仕路由來號險巖吟詩得謗亦何奇廷評已矣清

風在宦橐蕭然廉石知一日臨池垂特鑿

陳公在任托蔡

鶴峯乞余篆  
隸書二幅

三年因夢寄相思扁舟果動巖栖志

舟里毛公亦我師

十月廿二日晚從吳灣到受祉堂夢業師嚴  
賓聞先生命賦梅花一絕及醒猶記落句因  
足成之是日寔先師忌辰也

點染荒村只一枝嚴霜凍雪裹幽姿紛紛自乏凌  
寒節翻笑逋翁不入時

題席漢翼小照

若不勝衣迥出塵浮華刊落任吾真素紈移入長  
康筆猶自清襟朗照人



問字童烏洵異材笑看雙桂擬三槐經箱定勝庸  
師本曾向鷺湖手授來尊師為陸稼書先生

題目存上人丹青奉母圖

皎然兼有巨然長將母年年行脚忙豈是渠從禪  
得力只緣一本不容忘

鼎鐘致享文焉用甘脆承顏愛始真多少當塗違  
養客寸心應自愧斯人

七十二峰足徵集卷四十四

武峰吳定璋友篁蒐錄

屏山金

洪錫陳編訂  
源崑發

王禹聲

禹聲字遵考號聞溪文恪曾孫萬曆己丑進士官  
至湖廣承天府知府承天為興都陵寢湯沐地設  
守備太監領衛所官兵數百及三奉祠所丁校數  
百維時閹焰甚熾中外一氣陵轢地方有司承奉  
稍不愜則備監輒叅去之萬曆庚子遣太監陳奉



收稅於郢奉憑勢貪暴與脩監朋比指蹤奸民誣  
鍾祥縣令鄒光弼私利龍王洲產金匿不上聞提  
治具獄命在旦夕士民惶惶議集 聖廟共赴其  
難備監偵知調兵校分屯捕捉劓則數人重傷數  
十人而以郢人欲殺錦衣欽使非常大變具疏公  
遺書力爭具揭內外臺院為士民訟冤畧云夫激  
變者由激乃有變今厚誅其變者而曲諱其激者  
此何以故也以不持寸鐵乞靈 聖廟者為倡亂  
而以刀割生耳鎗傷生顱者為靖亂甚至歸罪于

初變再變者而歸功于三變者此何以故也稅監  
牌提縣令置之不問而反誣士民殺縣令稅監夾  
打生員若罔聞知而反代稅監殺生員此何以故  
也生負承天府之生負百姓鍾祥縣之百姓今不  
捕之府不捕之縣而捕之闔不獄之府不獄之縣  
而獄之衛此何以故也地保執結取諸七月十六  
日士民激變在六月十七日嚴刑厚利倒提年月  
該監既有府縣獨無此何以故也刑拷地保責取  
諸生鼓噪反狀而出自司房王南舉之筆暗藏兵



器欲証生負沈希孟判謀而取自伊隣劉司房之家此何以故也伏乞俯念士民激變有因閹豎稱兵無上首正其震驚陵寢之罪毀罵學宮之罪擅調官軍之罪次正其戕殺生負之罪併正職守土無狀之罪生固終焉一壑死亦含笑九原辭氣壯直廷論韙之乃寢杜監奏而有旨謫知府王禹聲知縣鄒光弼為民餘弗問合肥萬振孫有承天士民激變錄新安洪文衡稱公臨變屹然二竭三諭五書心昭日月卒能反危為安有古大臣之烈云

著有白社鵲音附刻文恪公集後

古意

薊北多浮雲雲中下雙鶩願言問雙鶩我征胡不復首藉青如何靡蕪幾度綠昨暮尺書至將軍出上谷生還未可期歸計焉能卜願此盈尊酒舉之當誰屬有時夢君還倉皇理膏沐夢回明月光依然照孤獨

賦得長安雪

長安佳氣何葱蒨層樓阿閣參差見同雲變隼帝



城頭凜冽西風凝作霰穿簾入戶太輕狂冒棟綠  
蕘任撩亂夢回蝴蝶晝遽遽凍拆梨花飛片片梨  
花蝴蝶淡芳菲點綴寒光上客衣踟躕天外覓棠  
舞飄忽空中足練飛萬戶夜疑金闕曙千官寒照  
玉珂歸但見朱門皆白屋誰知粉署總黃扉倏忽  
冰輪掛疎樾藍田萬頃清光發瑤華直射玉毫寒  
素質不隨蟾影沒五侯七貴競良宵浮白呼盧歡  
未歇走馬何來輕薄鬼瓊瑤碎踏章臺月章臺柳  
絮尚縈紆謝女才情今在無窮巷無人問車轍深

宮也自映金鋪何處才人能取酒誰家少婦恰當  
鑪都將楚國陽春調付與梁園子大夫

紫騮馬

宛馬久不至驂騮應見稀乍疑烟燧起忽逐電光  
飛鳴為胡笳動驕綠塞草肥臙支山下過血汗點  
征衣

枕上吟

宦拙俄驚漸白頭途窮興轉寄滄洲寒灰不逐東  
風暖歸夢長隨潞水流日落自憐醒對酒春深無



奈獨登樓蕭條旅館誰知己惟有孤衾共敝裘  
閒來頻咏舊題詩抵掌猶堪見往時人去赤城空  
有賦盟尋白社杳無期歸裝贏得玄經在傲骨惟  
應賀監知同好近年零落甚獨操齊瑟欲何之

送同年胡湛宇潯陽視權便道省親

匡廬萬丈鬱嵯峨彭蠡春深旅雁過此去彩衣翻  
畫錦遙看紫鳳映鳴珂烟波隱現漁舟晚帆影參  
差估客多把臂青衫應濕遍豈堪重聽百勞歌

送鄧翠屏僉憲督學滇南

屈指離觴又送君天涯雁影幾回分鑑懸秋水滇  
池月帳動春風閩海雲鞭弭中原誰左席驪黃南  
國定空羣點蒼山色青如許賦就還憑驛使聞

月下聞雁

胡雁鳴秋朔氣寒尚依明月到長安應憐毛羽冰  
霜悴似訴關河道路難客子音書頻斷絕故園叢  
菊半凋殘遙天目送歸飛影知落蘆花何處灘

送同年郭鶴野還朝

仙郎新領度支章儼值應含漢署香十道徵求今



太急好將詞賦托長揚

王晉

晉字研山與吳子喬黃質山為友詩載子喬稿末  
東山詩紀錄存一首

嘉禾送宗上舍遊南雍

關城初日上征衣袖拂吳鉤露正晞馬踏長干春  
草細路分構李越禽稀五經博士爭推席六館諸  
生幸接帷此是園橋真盛事素交從此借餘輝

王嘉衡

嘉衡字季銓

分賦大竹山壽吳餘生

漪漪簌簌分湖流吾家子猷應艤舟一碧崛起勢  
居右可能斫取為高樓同君歌咏樓之上一尊醉  
入南山秋

柳

搖曳何多態離魂處處牽寒生千樹雨晴結一溪  
烟彭澤傳幽致章臺繫好緣東風吹不醒長日足  
三眠



客窓夜懷羅較書袂次陸公榮韵

檐花落處夜清冷  
雨滴虛窗似可聽  
香剪愁無披  
客枕寒生疑有到  
禪扃孤懷青對燈  
將暝渴病紅  
沉酒半醒好夢尋  
歡應不遠  
淡梅瘦影拂疎檣

秦淮社集同吳餘生

年來漂泊江南北也  
向秦淮問酒家語到傾心揮  
塵尾醉來推手却琵琶  
香車滿路爭馳驟  
珠箔排  
空鬪麗華震澤烟波三萬頃  
掛帆歸去訪丹霞

王尊賢

尊賢字汝德幼穎慧有胡僧見之謂其父心山曰  
此子異日當成法器宜令讀書弱冠遊庠文有出  
塵之想屢蹶場屋遂棄去讀岐黃書能起沉疴汝  
德亦體弱多病瀕危輒聞異香枕上時感異夢遂  
痊因嘆曰人生寓世而不明無上妙義非夫也於  
是專心內典凝神參悟至不知飢寒所著有金剛  
經解心經解圓覺經解喫緊問答或矢口成詩皆  
有機鋒指點其門生張希明輩梓以行世名曰王  
居士天籟集



看劍

慧劍偶塵氛磨洗原無價幾見誤途人撇在西山下

遇達池

倏別已經秋人生如飄絮相見又無言夕陽自西去

月夜獨坐

世界何寥廓虛空不着塵一輪天上鏡偏照有情人

立秋

人生深信似蜉蝣每向江邊對水鷗日掩柴扉無客到梧桐葉落始知秋

同吳文台明台遊山

萬花春谷試春衣月下推敲作勢歸詩思不從驢上得目前花鳥盡天機

包山夜雨

高山驟雨瀉洪波蝶夢難成遠薜蘿道是水聲愁聒耳夜深清思逼人多



霧

遠望山頭時不見依稀若有若無中迷人不解其中意捲盡浮翳即太空

王希

希字公晉號知我

顧狷庵席上贈朱枝昌

烟濤雪浪洞庭開秀出君家未易才吞吐雲霞從筆底有無山色與胸垓江淮落落漁舟隱風雨詵詵鳥道來寂寞未酬願殷勤且盡故人杯

王憲度

憲度字輪中

寒食節放舟之莫釐峰

樹色嵐光放眼寬晴波萬頃碧無瀾一百五日隙中過七十二峰鏡裏看遠去孤帆明落日閒飛白鳥襯層巒還思往歲今朝事風送船歌暮雨殘

王武

武字勤中文恪公六世孫居西城柱國故第以諸生入太學淡於仕進博學無方而尤精於畫前太



常王烟客亦善畫猶亟稱之曰近代寫生多畫院  
氣獨吾勤中所作神韻生動當在妙品中京師貴  
人慕其名出兼金觀其畫不能得甚有作贗筆以  
售者內閣宋文恪公德宜其至戚也方貴顯于朝移  
書招之入京笑而不應間語人曰古之善畫者莫  
一非高人傑士以文行著者也吾先少傳諸客如  
沈徵君文待詔唐解元之屬其人皆能為畫重不  
則畫豈能重人乎晚而自號忘庵或徵其說乃曰  
魚相忘於江湖人相忘於道術今予之補劓息機

于此也世忘予乎予忘世乎兩相忘則去道近矣  
嘗以展墓至洞庭好事者持縑素乞畫無虛日潤  
筆之資輒緣手盡不為問舍求田計也晚歲多病  
不復多作畫故人有貧乏者強之作便欣然執筆  
曰聊以佐吾子晨夕需族父年老有孫女貧不能  
嫁復力疾為作數幅俾鬻以治奩具客有以病諫  
者曰吾財不足而力有餘敢自愛耶卒年五十有  
九汪堯峰太史為之傳贊曰吾吳故多高隱之士  
前明淵孝先生杜瓊石田沈翁頤祖辰子武陸治



叔平之流莫不以善畫有聞流風餘韻迄今為吳人所稱說越百數十年而王先生始繼起先生文章詞翰雖視石田稍遜顧其風尚標致與淵孝子武叔平相伯仲惜乎享年不永而世之稱王先生者又以畫掩其名德予不勝為之太息云

和先少傅靜觀軒詩

蒼狗固微茫白駒何倏忽觀心得長生靜氣歸造物

乙丑中秋將遊故山訪默叔貽適園居先作

芝蘭為寄

芝蘭詎無本靈秀鍾山阿源遠流自長汪洋萬頃波金庭一拳石賴以滋青莎高木各榮暢芳叢匝坡陀燦燦五色芝王香扇微和耳目一何曠雲霞耀盤渦靈氣鬱九秋策杖披烟蘿

題翁養齋教子圖

君家真畫裏故作假山水野馬與塵埃浮生亦假耳滔滔三萬頃一勺坳堂似俯仰輪蹄間趨羶笑蟲蟻何如樂天倫玉樹臨風倚竹韻和松濤琅琅



誦詩禮螽斯衍慶長圖畫須能事為寫諸鳳毛溪  
藤十丈紙萬匹以世堂以和竹鎮靜間鼓鑿矣

寄山中諸叔

去年渡湖御風走片帆抵山不及酉歸來直取水  
東道涼氣侵衣月當九今秋人事多纏綿不復閒  
情寄詩酒紫蟹黃雞入小春寒濤萬頃精神抖何  
當明月青天孤醉倚扁舟出胥口

千頭松產於東洞庭之豐圻夏子東步以小  
影屬布景并賦以贈

輕帆渡湖湖水平晚烟落日羣峰明倚楫看雲去  
鳥沒不知身已登蓬瀛水在天邊天在水返視吾  
軀蟲與蟻西去東馳無日休笑予宛轉浮漚裏烟  
火千家荻葦叢山隈蒙密多長松就中百尺何天  
矯千頭鱗鬣堆青銅攫霧擎烟自俯仰號風犯雪  
經春冬吁嗟乎良材如斯得終保為生岩谷知者  
少

題晉賢叔扇頭白蓮

洞庭山水真奇絕况生吾祖人中傑堂構栽栽二



百年太常墨竹森然列可憐諸父善支吾齒疎髮  
禿心為枯對酒開軒山翠入讀書携幼雲光徂長  
風吹香不知處清氣拂拂繞談塵林木忽沉山雨  
來龍腥一陣昏天際君不見城市人日中縱獵追  
蹄輪

石公丈人乞寫芝石題贈

我將移家於洞庭之西山飽看烟嵐日日闌采芝  
五色爛盈掬白雲出岫隨風還君不見商山老為  
成羽翼凋朱顏

新正五日默持叔從山中折梅相過促踐前  
約明日即返詩以謝之

吾叔飄然至新梅掛杖頭花開已如此人懶復何  
尤乘興輕來往看山易逗留筆牀兼藥裹風便一  
扁舟

得月亭在太湖之濱乃八世祖惟道公所建  
也西崖李公匏庵吳公各有詩載震澤編秋  
夜坐月追和二首

顥氣溟濛一望收蟾蜍分照衆山頭漁燈亂點汀



烟薄木葉高飛鳥樹秋水鮫人珠是淚眼前物

態蜃為樓何當早謝風塵苦龍渚停橈一下鈞和西崖韻

問閭滾滾逐蹄輪何處仙源可問津兔魄孤懸空

俗慮湖光萬頃著閒人入雲鴻雁薰葭老矚景蕭

森感慨頻吾祖風流勞想像亭中恐亦廁前身和乾庵韻

畫贈西山劉君賢

消夏灣邊春幾何水風山雨落花多吾家舊住莫

釐下可許雙橈訪薜蘿

畫桃花別哥寄山中大叔

莫釐峰下太湖濱開到莢花正好春空谷閉門塵

跡斷但聽鸚鵡語如人

王祚謙

祚謙字益之精於醫理

端陽後一日六虛邀集浴景閣

岑閣涵空明超超迥塵外登臨邀太虛不負烟霞

債令序忽云遷杯盤豈難再榴花紅似然柳葉碧

于黛萬頃玻璃光洗出芙蓉態浮雲勞去來青綠

依然在達者會其源動靜皆無礙斗酒澆詩魂觴



罷聞天籟主人情思濃山水有攸賴  
梅夜如新出  
日息無異候當此梅開時孤芳落晶影靜色涵幽  
姿初若霜凝際遠疑月在茲杳冥有深會清韻聞  
相知

王就學

就學字所敬號翼庵馬蹟之桃花灣人其父死於  
盜終身以不得盜為恨每飲酣輒流涕呼天人咸  
悲之登萬曆丙戌進士初授戶部驗糧廳主事

官需索甚橫解戶有困斃不得掣批者就學稱引  
祖制章兩上卒得著為令旋以東事轉餉徧採見  
聞疏可慮者四可乘者三語稍侵執政改禮曹教  
習駙馬同卿顧憲成雅重之尋調吏部會仁聖太  
后梓宮將發上當送之門外先一日有遣官恭代  
之命就學愕然即夜具疏其略言皇上之身皆太  
后之身也凡可以報恩者何得復顧其身今舉期  
在此一刺則憑棺痛踊亦惟此一刺而獨斬板送  
以致聖孝不終寧獨非古禮聖心亦何安上領之



終以此得罪未幾削職歸崇禎初起建言諸臣時  
就學已卒追贈光祿寺少卿此一誠而辭博對彩  
過內閣訪友  
幽谷雲樵信口歌綠陰滿徑繞藤蘿清風竹塢人  
烟少白浪魚沙鳥跡多問字不妨頻日至看山還  
約幾時過一尊相對開顏笑盡日留連小竹窩

月夜出胥口

月下揚帆出巨川水光一色接長天遠看漁火明  
還滅靜聽鴻聲斷復連四面有山剛剩影孤舟無

伴若登仙飄然一葉乘風下瞬息桃源在眼前

王來誥

來誥字仲文吏部翼庵之從孫秉質厚重勤求學  
問順治辛卯領鄉薦未及會試卒

山中誌事

此際幽棲別有天茅簷古木薜蘿牽田夫帶雨耕  
黃犢蚕女臨風理素綿湖上魚蝦朝作市月中雞  
犬夜長眠倘逢壕吏來征稅應訝桃源在此邊

王熙祖



熙祖字文緝號敏齋仲文猶子自幼刻苦誦讀不分晝夜作文刻以寸香而困於童子試年近四十始以五經七義見售旋食餼苦心揣摩力追先輩又閱二十餘年而卒所著有性理彙解行世詩派近擊壤集

見梁燕飼雛有感

紫燕雙雙飼小雛去來上下只須臾可憐兩驟風吹急還自如梭不愛軀

但看老燕哺新雛幾見新雛學義鳥到得來春知

育子生初辛苦記還無

王奕達

奕達字九達武山人丰標俊朗資性敏捷能為小詩及陸博彈碁絲竹謳歌靡不精曉惜天不假年未三十而卒

舟行

作客經旬日舟行過百灣水寒魚性懶村靜鳥歌閒問路花頻落看山雲獨還倚橈凝眺處雙鷺下沙間



秋日送兄

滿目風塵苦臨岐每羨歸人隨秋漸老心與雁分  
飛淚洒寒江暮情牽病葉殊別愁聊復慰賴子奉  
親幃

過烏衣巷

燕子重來故主非石頭舊壘夢依稀朱門紫戟歸  
何處古巷烏衣盡白衣

王世庸

世庸字希績西山圻村人

錦西風

好教素女織流黃膩綠媽紅媚夕陽莫恃此生偏  
衣錦空林昨夜有微霜

蟋蟀

越國曾聞衣錦還西泠非復會稽山式蛙亦是前  
人事師相如何愛半閒

促織

聲聲如漏促鳴機斜月流光白板扉飽爵露華音  
韻苦拋梭人尚怯朝飢



王需

需字遵時號西庭石公山人康熙壬午舉人

題漁莊兄聽泉圖

阿弟風塵狀難兄山水心蓋頭松似幄揮手瀑為  
琴俠骨成高隱孤懷托苦吟泉聲渺何處洗耳少  
知音

王奇佶

奇佶字爾份別號漁莊生平足跡半天下交遊甚  
廣居京師作聽泉小照名公卿題贈卷軸如牛腰

所最莫逆者陳滄洲沈歸愚兩先生石公山建節  
孝祠歸愚作碑記并作西山風土記皆應漁莊之  
請也年逾七十手輯石公山志搜討不倦老而好  
學有古君子之風焉

丁亥初夏同陳滄洲太守簡霞山明府張近  
愚進士宋櫟翁檢討張錫田家不石兩孝廉  
豐臺看芍藥

結伴出春明南去二十里野橋渡清流西山矗雲  
起尋芳古豐臺碧草印雙履芍藥我豔友翻翻鬪



紅紫千金重國色何必揚州市留此殿春風欲去  
檻還倚羣公志嘉會貴盡洛陽紙

喜晤於在文

竭來混跡金臺畔意氣如君孰有加忽漫相逢俱  
是客若為萍聚可忘家清談永日陰移樹對飲中  
宵月在花他日如尋具區上石公巖畔有桑麻

題畫

空山霜落變秋容妙墨真能入化工一段蒼涼何  
處見蘄門風勁角聲中



程